

דברי הימים ב

19	18	17	16	15	14	13	12	11	10	9	8	7	6	5	4	3	2	1
36	35	34	33	32	31	30	29	28	27	26	25	24	23	22	21	20		

הפרק 1

1 יתחזק שלמה בן דויד על מלכותו ויהוה אלהיו עמו ויגדלוהו למעלה
2 ויאמר שלמה לכל ישראל לשרי האלפים והמאות ולשפטים ולכל נשיא לכל ישראל ראשי האבות
3 וילכו שלמה וכל הקהל עמו לבמה אשר בגבעון כי שם היה אהל מועד האלהים אשר עשה משה
עבד יהוה במדבר
4 אבל ארון האלהים העלה דויד מקרית יערים בהכין לו דויד כי נטה לו אהל בירושלם
5 ומזבח הנחשת אשר עשה בצלאל בן אורי בן חור שם לפני משכן יהוה וידרשהו שלמה והקהל
6 ויעל שלמה שם על מזבח הנחשת לפני יהוה אשר לאהל מועד ויעל עליו עלות אלף
7 בלילה ההוא נראה אלהים לשלמה ויאמר לו שאל מה אתן לך
8 ויאמר שלמה לאלהים אתה עשית עם דויד אבי חסד גדול והמלכתי תחתיו
9 עתה יהוה אלהים יאמן דברך עם דויד אבי כי אתה המלכתי על עם רב כעפר הארץ
10 עתה חכמה ומדע תן לי ואצאה לפני העם הזה ואבואה כי מי ישפט את עמך הזה הגדול
11 ויאמר אלהים לשלמה יען אשר היתה זאת עם לבבך ולא שאלת עשר נכסים וכבוד ואת נפש
שנאיך וגם ימים רבים לא שאלת ותשאל לך חכמה ומדע אשר תשפוט את עמי אשר המלכתיך עליו
12 החכמה והמדע נתון לך ועשר ונכסים וכבוד אתן לך אשר לא היה כן למלכים אשר לפניך ואחריו
לא יהיה כן
13 ויבא שלמה לבמה אשר בגבעון ירושלם מלפני אהל מועד וימלך על ישראל
14 ויאסף שלמה רכב ופרשים ויהי לו אלף וארבע מאות רכב ושנים עשר אלף פרשים ויניחם בערי
הרכב ועם המלך בירושלם
15 ויתן המלך את הכסף ואת הזהב בירושלם כאבנים ואת הארזים נתן כשקמים אשר בשפלה לרב
16 ומוצא הסוסים אשר לשלמה ממצרים ומקוא סחרי המלך מקוא יקחו במחיה
17 ויעלו ויוציאו ממצרים מרכבה בשש מאות כסף וסוס בחמשים ומאה וכן לכל מלכי החתים ומלכי
ארם בידם יוציאו

הפרק 2

1 יאמר שלמה לבנות בית לשם יהוה ובית למלכותו
2 ויספר שלמה שבעים אלף איש סבל ושמונים אלף איש חצב בהר ומנצחים עליהם שלשת אלפים
ושש מאות
3 וישלח שלמה אל חורם מלך צר לאמר כאשר עשית עם דויד אבי ותשלח לו ארזים לבנות לו בית
לשבת בו
4 הנה אני בונה בית לשם יהוה אלהי להקדיש לו להקטיר לפניו קטרת סמים ומערכת תמיד ועלות

לבקר ולערב לשבתות ולחדשים ולמועדי יהוה אלהינו לעולם זאת על ישראל

⁵והבית אשר אני בונה גדול כי גדול אלהינו מכל האלהים

⁶ומי יעצר כח לבנות לו בית כי השמים ושמי השמים לא יכלכלהו ומי אני אשר אבנה לו בית כי אם להקטיר לפניו

⁷ועתה שלח לי איש חכם לעשות בזה ובכסף ובנחשת ובברזל ובארגון וכרמיל ותכלת וידע לפתח פתוחים עם החכמים אשר עמי ביהודה ובירושלם אשר הכין דויד אבי!

⁸ושלח לי עצי ארזים ברושים ואלגומים מהלבנון כי אני ידעתי אשר עבדיך יודעים לכרות עצי לבנון והנה עבדי עם עבדיך

⁹ולהכין לי עצים לרב כי הבית אשר אני בונה גדול והפלא

¹⁰והנה לחטבים לכרתי העצים נתתי חטים מכות לעבדיך כרים עשרים אלף ושערים כרים עשרים אלף ויין בתים עשרים אלף ושמן בתים עשרים אלף

¹¹ויאמר חורם מלך צר בכתב וישלח אל שלמה באהבת יהוה את עמו נתנך עליהם מלך

¹²ויאמר חורם ברוך יהוה אלהי ישראל אשר עשה את השמים ואת הארץ אשר נתן לדויד המלך בן חכם יודע שכל ובינה אשר יבנה בית ליהוה ובית למלכותו

¹³ועתה שלחתי איש חכם יודע בינה לחורם אבי!

¹⁴בן אשה מן בנות דן ואביו איש צרי יודע לעשות בזה ובכסף בנחשת בברזל באבנים ובעצים בארגמן בתכלת ובבובץ ובכרמיל ולפתח כל פתוח ולחשב כל מחשבת אשר ינתן לו עם חכמיו וחכמי אדני דויד אביו

¹⁵ועתה החטים והשערים השמן והיין אשר אמר אדני ישלח לעבדיו

¹⁶ואנחנו נכרת עצים מן הלבנון ככל צרכך ונביאם לך רפסדות על ים יפו ואתה תעלה אתם ירושלם

¹⁷ויספר שלמה כל האנשים הגירים אשר בארץ ישראל אחרי הספר אשר ספרם דויד אביו וימצאו מאה וחמשים אלף ושלושת אלפים ושש מאות

¹⁸ויעש מהם שבעים אלף סבל ושמונים אלף חצב בהר ושלושת אלפים ושש מאות מנצחים להעביד את העם

הפרק 3

יחל שלמה לבנות את בית יהוה בירושלם בהר המוריה אשר נראה לדויד אביו אשר הכין במקום דויד בגרן ארנן היבוס!

²ויחל לבנות בחדש השני בשני בשנת ארבע למלכותו

³ואלה הוסד שלמה לבנות את בית האלהים הארך אמות במדה הראשונה אמות ששים ורחב אמות עשרים

⁴והאולם אשר על פני הארך על פני רחב הבית אמות עשרים והגבה מאה ועשרים ויצפהו מפנימה זהב טהור

⁵ואת הבית הגדול חפה עץ ברושים ויחפהו זהב טוב ויעל עליו תמרים ושרשרות

⁶ויצף את הבית אבן יקרה לתפארת והזהב זהב פרוים

⁷ויחף את הבית הקרות הספים וקירותיו ודלתותיו זהב ופתח כרובים על הקירות

⁸ויעש את בית קדש הקדשים ארכו על פני רחב הבית אמות עשרים ורחבו אמות עשרים ויחפהו זהב טוב לככרים שש מאות

⁹ומשקל למסמרות לשקלים חמשים זהב והעליות חפה זהב

¹⁰ויעש בבית קדש הקדשים כרובים שנים מעשה צעצעים ויצפו אתם זהב

¹¹וכנפי הכרובים ארכם אמות עשרים כנף האחד לאמות חמש מגעת לקיר הבית והכנף האחרת אמות חמש מגיע לכנף הכרוב האחר

¹²וכנף הכרוב האחד אמות חמש מגיע לקיר הבית והכנף האחרת אמות חמש דבקה לכנף הכרוב האחר

¹³ כנפי הכרובים האלה פרשים אמות עשרים והם עמדים על רגליהם ופניהם לבית
¹⁴ ויעש את הפרכת תכלת וארגמן וכרמיל ובוץ ויעל עליו כרובים
¹⁵ ויעש לפני הבית עמודים שנים אמות שלשים וחמש ארך והצפת אשר על ראשו אמות חמש
¹⁶ ויעש שרשרות בדביר ויתן על ראש העמדים ויעש רמונים מאה ויתן בשרשרות
¹⁷ ויקם את העמודים על פני ההיכל אחד מימין ואחד מהשמאל ויקרא שם הימני יכין ושם השמאלי
בעז

הפרק 4

יעש מזבח נחשת עשרים אמה ארכו ועשרים אמה רחבו ועשר אמות קומתו
² ויעש את הים מוצק עשר באמה משפתו אל שפתו עגול סביב וחמש באמה קומתו וקו שלשים
באמה יסב אתו סביב
³ ודמות בקרים תחת לו סביב סובבים אתו עשר באמה מקיפים את הים סביב שנים טורים
הבקר יצוקים במצקתו
⁴ עומד על שנים עשר בקר שלשה פנים צפונה ושלשה פנים ימה ושלשה פנים נגבה ושלשה פנים
מזרחה והים עליהם מלמעלה וכל אחריהם ביתה
⁵ ועביו טפח ושפתו כמעשה שפת כוס פרח שושנה מחזיק בתים שלשת אלפים יכיל
⁶ ויעש כוירים עשרה ויתן חמשה מימין וחמשה משמאל לרחצה בהם את מעשה העולה ידיחו בהם
והים לרחצה לכהנים בו
⁷ ויעש את מנרות הזהב עשר כמשפטם ויתן בהיכל חמש מימין וחמש משמאל
⁸ ויעש שלחנות עשרה וינח בהיכל חמשה מימין וחמשה משמאל ויעש מזרקי זהב מאה
⁹ ויעש חצר הכהנים והעזרה הגדולה ודלתות לעזרה ודלתותיהם צפה נחשת
¹⁰ ואת הים נתן מכתף הימנית קדמה ממול נגבה
¹¹ ויעש חורם את הסירות ואת היעים ואת המזרקות ויכל חירם לעשות את המלאכה אשר עשה
למלך שלמה בבית האלהים
¹² עמודים שנים והגלות והכתרות על ראש העמודים שתיים והשבכות שתיים לכסות את שתי גלות
הכתרות אשר על ראש העמודים
¹³ ואת הרמונים ארבע מאות לשתי השבכות שנים טורים רמונים לשבכה האחת לכסות את שתי
גלות הכתרות אשר על פני העמודים
¹⁴ ואת המכנות עשה ואת הכירות עשה על המכנות
¹⁵ ואת הים אחד ואת הבקר שנים עשר תחתיו
¹⁶ ואת הסירות ואת היעים ואת המזלגות ואת כל כליהם עשה חורם אביו למלך שלמה לבית יהוה
נחשת מרוק
¹⁷ בככר הירדן יצקם המלך בעבי האדמה בין סכות ובין צרדתה
¹⁸ ויעש שלמה כל הכלים האלה לרב מאד כי לא נחקר משקל הנחשת
¹⁹ ויעש שלמה את כל הכלים אשר בית האלהים ואת מזבח הזהב ואת השלחנות ועליהם לחם
הפנים
²⁰ ואת המנורות ונרתיהם לבערם כמשפט לפני הדביר זהב סגור
²¹ והפרח והנרות והמלקחים זהב הוא מכלות זהב
²² והמזמרות והמזרקות והכפות והמחתות זהב סגור ופתח הבית דלתותיו הפנימיות לקדש הקדשים
ודלתי הבית להיכל זהב

הפרק 5

תשלם כל המלאכה אשר עשה שלמה לבית יהוה ויבא שלמה את קדשי דויד אביו ואת הכסף ואת הזהב ואת כל הכלים נתן באצרות בית האלהים¹

אז יקהיל שלמה את זקני ישראל ואת כל ראשי המטות נשיאי האבות לבני ישראל אל ירושלם להעלות את ארון ברית יהוה מעיר דויד היא ציון²

ויקהלו אל המלך כל איש ישראל בחג הוא החדש השבעי³

ויבאו כל זקני ישראל וישאו הלויים את הארון⁴

ויעלו את הארון ואת אהל מועד ואת כל כלי הקדש אשר באהל העלו אתם הכהנים הלויים⁵

והמלך שלמה וכל עדת ישראל הנועדים עליו לפני הארון מזבחים צאן ובקר אשר לא יספרו ולא ימנו מרב⁶

ויביאו הכהנים את ארון ברית יהוה אל מקומו אל דביר הבית אל קדש הקדשים אל תחת כנפי הכרובים⁷

ויהיו הכרובים פרשים כנפים על מקום הארון ויכסו הכרובים על הארון ועל בדיו מלמעלה⁸

ויאריכו הבדים ויראו ראשי הבדים מן הארון על פני הדביר ולא יראו החוצה ויהי שם עד היום הזה⁹

אין בארון רק שני הלחות אשר נתן משה בחרב אשר כרת יהוה עם בני ישראל בצאתם ממצרים¹⁰

ויהי בצאת הכהנים מן הקדש כי כל הכהנים הנמצאים התקדשו אין לשמור למחלקות¹¹

והלויים המשררים לכלם לאסוף להימן לידתון ולבניהם ולאחיהם מלבשים בוץ במצלתים ובנבלים וכנרות עמדים מזרח למזבח ועמהם כהנים למאה ועשרים מחצררים בחצרות¹²

ויהי כאחד למחצררים ולמשררים להשמיע קול אחד להלל ולהודות ליהוה וכהרים קול בחצרות ובמצלתים ובכלי השיר ובהלל ליהוה כי טוב כי לעולם חסדו והבית מלא ענן בית יהוה¹³

ולא יכלו הכהנים לעמוד לשרת מפני הענן כי מלא כבוד יהוה את בית האלהים¹⁴

הפרק 6

אז אמר שלמה יהוה אמר לשכון בערפל¹

ואני בניתי בית זבל לך ומכון לשבתך עולמים²

ויסב המלך את פניו ויברך את כל קהל ישראל וכל קהל ישראל עומד³

ויאמר ברוך יהוה אלהי ישראל אשר דבר בפיו את דויד אבי ובידיו מלא לאמה⁴

מן היום אשר הוצאתי את עמי מארץ מצרים לא בחרתי בעיר מכל שבטי ישראל לבנות בית להיות שמי שם ולא בחרתי באיש להיות נגיד על עמי ישראל⁵

ואבחר בירושלם להיות שמי שם ואבחר בדויד להיות על עמי ישראל⁶

ויהי עם לבב דויד אבי לבנות בית לשם יהוה אלהי ישראל⁷

ויאמר יהוה אל דויד אבי יען אשר היה עם לבבך לבנות בית לשמי הטיבות כי היה עם לבבך⁸

רק אתה לא תבנה הבית כי בנך היוצא מחלצין הוא יבנה הבית לשמי⁹

ויקם יהוה את דברו אשר דבר ואקום תחת דויד אבי ואשב על כסא ישראל כאשר דבר יהוה ואבנה הבית לשם יהוה אלהי ישראל¹⁰

ואשים שם את הארון אשר שם ברית יהוה אשר כרת עם בני ישראל¹¹

ויעמד לפני מזבח יהוה נגד כל קהל ישראל ויפרש כפיו¹²

כי עשה שלמה כיור נחשת ויתנהו בתוך העזרה חמש אמות ארכו וחמש אמות רחבו ואמות שלוש קומתו ויעמד עליו ויברך על ברכיו נגד כל קהל ישראל ויפרש כפיו השמימה¹³

ויאמר יהוה אלהי ישראל אין כמוך אלהים בשמים ובארץ שמר הברית והחסד לעבדיך ההלכים לפניך בכל לבם¹⁴

אשר שמרת לעבדך דויד אבי את אשר דברת לו ותדבר בפיו ובידך מלאת כיום הזה¹⁵

ועתה יהוה אלהי ישראל שמר לעבדך דויד אבי את אשר דברת לו לאמר לא יכרת לך איש מלפני יושב על כסא ישראל רק אם ישמרו בניך את דרכם ללכת בתורתך כאשר הלכת לפני¹⁶

¹⁷ועתה יהוה אלהי ישראל יאמן דברך אשר דברת לעבדך לדויד:

¹⁸כי האמנם ישב אלהים את האדם על הארץ הנה שמים ושמי השמים לא יכלכלוך אף כי הבית הזה אשר בנית:

¹⁹ופנית אל תפלת עבדך ואל תחנתו יהוה אלהי לשמע אל הרנה ואל התפלה אשר עבדך מתפלל לפניך

²⁰להיות עיניך פתחות אל הבית הזה יומם ולילה אל המקום אשר אמרת לשום שמך שם לשמוע אל התפלה אשר יתפלל עבדך אל המקום הזה

²¹ושמעת אל תחנוני עבדך ועמך ישראל אשר יתפללו אל המקום הזה ואתה תשמע ממקום שבתך מן השמים ושלחת

²²אם יחטא איש לרעהו ונשא בו אלה להאלתו ובא אלה לפני מזבחך בבית הזה

²³ואתה תשמע מן השמים ועשית ושפטת את עבדיך להשיב לרשע לתת דרכו בראשו ולהצדיק צדיק לתת לו כצדקתו

²⁴ואם ינגף עמך ישראל לפני אויב כי יחטאו לך ושבו והודו את שמך והתפללו והתחנונו לפניך בבית הזה

²⁵ואתה תשמע מן השמים ושלחת לחטאת עמך ישראל והשיבותם אל האדמה אשר נתתה להם ולאבותיהם

²⁶בהעצר השמים ולא יהיה מטר כי יחטאו לך והתפללו אל המקום הזה והודו את שמך מחטאתם ישובו כי תענם

²⁷ואתה תשמע השמים ושלחת לחטאת עבדיך ועמך ישראל כי תורם אל הדרך הטובה אשר ילכו בה ונתתה מטר על ארצך אשר נתתה לעמך לנחלה

²⁸רעב כי יהיה בארץ דבר כי יהיה שדפון וירקון ארבה וחסיל כי יהיה כי יצר לו אויביו בארץ שערי כל נגע וכל מחלה

²⁹כל תפלה כל תחנה אשר יהיה לכל האדם ולכל עמך ישראל אשר ידעו איש נגעו ומכאבו ופרש כפיו אל הבית הזה

³⁰ואתה תשמע מן השמים מכון שבתך ושלחת ונתתה לאיש ככל דרכיו אשר תדע את לבבו כי אתה לבדך ידעת את לבב בני האדם

³¹למען ייראוך ללכת בדרכיך כל הימים אשר הם חיים על פני האדמה אשר נתתה לאבותינו וגם אל הנכרי אשר לא מעמך ישראל הוא ובא מארץ רחוקה למען שמך הגדול וידך החזקה וזרועך הנטויה ובאו והתפללו אל הבית הזה

³²ואתה תשמע מן השמים ממכון שבתך ועשית ככל אשר יקרא אליך הנכרי למען ידעו כל עמי הארץ את שמך וליראה אתך כעמך ישראל ולדעת כי שמך נקרא על הבית הזה אשר בנית:

³³כי יצא עמך למלחמה על אויביו בדרך אשר תשלחם והתפללו אליך דרך העיר הזאת אשר בחרת בה והבית אשר בניתי לשמך

³⁴ושמעת מן השמים את תפלתם ואת תחנונם ועשית משפטם

³⁵כי יחטאו לך כי אין אדם אשר לא יחטא ואנפת בם ונתתם לפני אויב ושובם שוביהם אל ארץ רחוקה או קרובה

³⁶והשיבו אל לבבם בארץ אשר נשבו שם ושבו והתחנונו אליך בארץ שבים לאמר חטאנו העוינו ורשענו

³⁷ושבו אליך בכל לבם ובכל נפשם בארץ שבים אשר שבו אתם והתפללו דרך ארצם אשר נתתה לאבותם והעיר אשר בחרת ולבית אשר בניתי לשמך

³⁸ושמעת מן השמים ממכון שבתך את תפלתם ואת תחנוניהם ועשית משפטם ושלחת לעמך אשר חטאו לך

³⁹עתה אלהי יהו נא עיניך פתחות ואזניך קשבות לתפלת המקום הזה

⁴¹ועתה קומה יהוה אלהים לנוחך אתה וארון עזך כהניך יהוה אלהים ילבשו תשועה וחסידך ישמחו בטוב

⁴²יהוה אלהים אל תשב פני משיחך זכרה לחסדי דויד עבדך

הפרק 7

ככלות שלמה להתפלל והאש ירדה מהשמים ותאכל העלה והזבחים וכבוד יהוה מלא את הבית

²ולא יכלו הכהנים לבוא אל בית יהוה כי מלא כבוד יהוה את בית יהוה

³וכל בני ישראל ראים ברדת האש וכבוד יהוה על הבית ויכרעו אפים ארצה על הרצפה וישתחוו והודות ליהוה כי טוב כי לעולם חסדו

⁴והמלך וכל העם זבחים זבח לפני יהוה

⁵ויזבח המלך שלמה את זבח הבקר עשרים ושנים אלף וצאן מאה ועשרים אלף ויחנכו את בית האלהים המלך וכל העם

⁶והכהנים על משמרותם עמדים והלויים בכלי שיר יהוה אשר עשה דויד המלך להודות ליהוה כי לעולם חסדו בהלל דויד בידם והכהנים מחצצרים נגדם וכל ישראל עמדים

⁷ויקדש שלמה את תוך החצר אשר לפני בית יהוה כי עשה שם העלות ואת חלבי השלמים כי מזבח הנחשת אשר עשה שלמה לא יכול להכיל את העלה ואת המנחה ואת החלבים

⁸ויעש שלמה את החג בעת ההיא שבעת ימים וכל ישראל עמו קהל גדול מאד מלבוא חמת עד נחל מצרים

⁹ויעשו ביום השמיני עצרת כי חנכת המזבח עשו שבעת ימים והחג שבעת ימים

¹⁰וביום עשרים ושלושה לחדש השביעי שלח את העם לאהליהם שמחים וטובי לב על הטובה אשר עשה יהוה לדויד ולשלמה ולישראל עמו

¹¹ויכל שלמה את בית יהוה ואת בית המלך ואת כל הבא על לב שלמה לעשות בבית יהוה ובביתו הצליח

¹²וירא יהוה אל שלמה בלילה ויאמר לו שמעתי את תפלתך ובחרתי במקום הזה לי לבית זבח

¹³הן אעצר השמים ולא יהיה מטר והן אצוה על חגב לאכול הארץ ואם אשלח דבר בעמי:

¹⁴ויכנעו עמי אשר נקרא שמי עליהם ויתפללו ויבקשו פני וישבו מדרכיהם הרעים ואני אשמע מן השמים ואסלח לחטאתם וארפא את ארצם

¹⁵עתה עיני יהיו פתחות ואזני קשבות לתפלת המקום הזה

¹⁶ועתה בחרתי והקדשתי את הבית הזה להיות שמי שם עד עולם והיו עיני ולבי שם כל הימים

¹⁷ואתה אם תלך לפני כאשר הלך דויד אביך ולעשות ככל אשר צויתך וחקי ומשפטי תשמו:

¹⁸והקימותי את כסא מלכותך כאשר כרתי לדויד אביך לאמר לא יכרת לך איש מושל בישראל

¹⁹ואם תשובון אתם ועזבתם חקותי ומצותי אשר נתתי לפניכם והלכתם ועבדתם אלהים אחרים והשתחוויתם להם

²⁰ונתשיתם מעל אדמתי אשר נתתי להם ואת הבית הזה אשר הקדשתי לשמי אשליך מעל פני ואתננו למשל ולשנינה בכל העמים

²¹והבית הזה אשר היה עליון לכל עבר עליו ישם ואמר במה עשה יהוה ככה לארץ הזאת ולבית הזה

²²ואמרו על אשר עזבו את יהוה אלהי אבותיהם אשר הוציאם מארץ מצרים ויחזיקו באלהים אחרים וישתחוו להם ויעבדום על כן הביא עליהם את כל הרעה הזאת

הפרק 8

יהי מקץ עשרים שנה אשר בנה שלמה את בית יהוה ואת ביתו

²והערים אשר נתן חורם לשלמה בנה שלמה אתם ויושב שם את בני ישראל

³וילך שלמה חמת צובה ויחזק עליה

⁴ויבן את תדמר במדבר ואת כל ערי המסכנות אשר בנה בחמת
⁵ויבן את בית חורון העליון ואת בית חורון התחתון ערי מצור חומות דלתים ובריה
⁶ואת בעלת ואת כל ערי המסכנות אשר היו לשלמה ואת כל ערי הרכב ואת ערי הפרשים ואת כל
חשק שלמה אשר חשק לבנות בירושלם ובלבנון ובכל ארץ ממשללו
⁷כל העם הנותר מן החתי והאמרי והפרזי והחוי והיבوسی אשר לא מישראל המה
⁸מן בניהם אשר נותרו אחריהם בארץ אשר לא כלום בני ישראל ויעלם שלמה למס עד היום הזה
⁹ומן בני ישראל אשר לא נתן שלמה לעבדים למלאכתו כי המה אנשי מלחמה ושרי שליטיו ושרי
רכבו ופרשיו
¹⁰ואלה שרי הנציבים אשר למלך שלמה חמשים ומאתים הרדים בעם
¹¹ואת בת פרעה העלה שלמה מעיר דויד לבית אשר בנה לה כי אמר לא תשב אשה לי בבית דויד
מלך ישראל כי קדש המה אשר באה אליהם ארון יהוה
¹²אז העלה שלמה עלות ליהוה על מזבח יהוה אשר בנה לפני האולם
¹³ובדבר יום ביום להעלות כמצות משה לשבתות ולחדשים ולמועדות שלוש פעמים בשנה בחג
המצות ובחג השבועות ובחג הסוכות
¹⁴ויעמד כמשפט דויד אביו את מחלקות הכהנים על עבדתם והלויים על משמרותם להלל ולשרת
נגד הכהנים לדבר יום ביומו והשוערים במחלקותם לשער ושער כי כן מצות דויד איש האלהים
¹⁵ולא סרו מצות המלך על הכהנים והלויים לכל דבר ולאצרות
¹⁶ותכן כל מלאכת שלמה עד היום מוסד בית יהוה ועד כלתו שלם בית יהוה
¹⁷אז הלך שלמה לעציון גבר ואל אילות על שפת הים בארץ אדום
¹⁸וישלח לו חורם ביד עבדיו אוניות ועבדים יודעי ים ויבאו עם עבדי שלמה אופירה ויקחו משם ארבע
מאות וחמשים ככר זהב ויביאו אל המלך שלמה

הפרק 9

מלכת שבא שמעה את שמע שלמה ותבוא לנסות את שלמה בחידות בירושלם בחיל כבוד מאד וגמלים נשאים בשמים וזהב לרב ואבן יקרה ותבוא אל שלמה ותדבר עמו את כל אשר היה עם לבבה
²ויגד לה שלמה את כל דבריה ולא נעלם דבר משלמה אשר לא הגיד לה
³ותרא מלכת שבא את חכמת שלמה והבית אשר בנה
⁴ומאכל שלחנו ומושב עבדיו ומעמד משרתיו ומלבושיהם ומשקיו ומלבושיהם ועליתו אשר יעלה בית
יהוה ולא היה עוד בה רוח
⁵ותאמר אל המלך אמת הדבר אשר שמעתי בארצי על דבריך ועל חכמתך
⁶ולא האמנתי לדבריהם עד אשר באתי ותראינה עיני והנה לא הגד לי חצי מרבית חכמתך יספת על
השמועה אשר שמעתי
⁷אשרי אנשיך ואשרי עבדיך אלה העמדים לפניך תמיד ושמעים את חכמתך
⁸יהי יהוה אלהיך ברוך אשר חפץ בך לתתך על כסאו למלך ליהוה אלהיך באהבת אלהיך את ישראל
להעמידו לעולם ויתנך עליהם למלך לעשות משפט וצדקה
⁹ותתן למלך מאה ועשרים ככר זהב ובשמים לרב מאד ואבן יקרה ולא היה כבשם ההוא אשר נתנה
מלכת שבא למלך שלמה
¹⁰וגם עבדי חירם ועבדי שלמה אשר הביאו זהב מאופיר הביאו עצי אלגומים ואבן יקרה
¹¹ויעש המלך את עצי האלגומים מסלות לבית יהוה ולבית המלך וכנרות ונבלים לשרים ולא נראו
כהם לפניו בארץ יהודה
¹²והמלך שלמה נתן למלכת שבא את כל חפצה אשר שאלה מלבד אשר הביאה אל המלך ותהפך
ותלך לארצה היא ועבדיה
¹³ויהי משקל הזהב אשר בא לשלמה בשנה אחת שש מאות וששים ושש ככרי זהב
¹⁴לבד מאנשי התרים והסחרים מביאים וכל מלכי ערב ופחות הארץ מביאים זהב וכסף לשלמה

¹⁵ ויעש המלך שלמה מאתים צנה זהב שחוט שש מאות זהב שחוט יעלה על הצנה האחת
¹⁶ ושלוש מאות מגנים זהב שחוט שלש מאות זהב יעלה על המגן האחת ויתנם המלך בבית יער
הלבנון
¹⁷ ויעש המלך כסא שן גדול ויצפהו זהב טהור
¹⁸ ושש מעלות לכסא וכבש בזהב לכסא מאחזים וידות מזה ומזה על מקום השבת ושנים אריות
עמדים אצל הידות
¹⁹ ושנים עשר אריות עמדים שם על שש המעלות מזה ומזה לא נעשה כן לכל ממלכה
²⁰ וכל כלי משקה המלך שלמה זהב וכל כלי בית יער הלבנון זהב סגור אין כסף נחשב בימי שלמה
למאומה
²¹ כי אניות למלך הלכות תרשיש עם עבדי חורם אחת לשלוש שנים תבואנה אניות תרשיש נשאות
זהב וכסף שנהבים וקופים ותוכיים
²² ויגדל המלך שלמה מכל מלכי הארץ לעשר וחכמה
²³ וכל מלכי הארץ מבקשים את פני שלמה לשמע את חכמתו אשר נתן האלהים בלבו
²⁴ והם מביאים איש מנחתו כלי כסף וכלי זהב ושלמות נשק ובשמים סוסים ופרדים דבר שנה בשנה
²⁵ ויהי לשלמה ארבעת אלפים אריות סוסים ומרכבות ושנים עשר אלף פרשים ויניחם בערי הרכב
ועם המלך בירושלם
²⁶ ויהי מושל בכל המלכים מן הנהר ועד ארץ פלשתים ועד גבול מצרים
²⁷ ויתן המלך את הכסף בירושלם כאבנים ואת הארזים נתן כשקמים אשר בשפלה לרב
²⁸ ומוציאים סוסים ממצרים לשלמה ומכל הארצות
²⁹ ושאר דברי שלמה הראשנים והאחרונים הלא הם כתובים על דברי נתן הנביא ועל נבואת אחיה
השילוני ובחזות יעדי החזה על ירבעם בן נבט
³⁰ וימלך שלמה בירושלם על כל ישראל ארבעים שנה
³¹ וישכב שלמה עם אבתיו ויקברו בעיר דויד אביו וימלך רחבעם בנו תחתיו

הפרק 10

ילך רחבעם שכמה כי שכם באו כל ישראל להמליך אתו
² ויהי כשמע ירבעם בן נבט והוא במצרים אשר ברח מפני שלמה המלך וישב ירבעם ממצרים
³ וישלחו ויקראו לו ויבא ירבעם וכל ישראל וידברו אל רחבעם לאמה
⁴ אביך הקשה את עלנו ועתה הקל מעבדת אביך הקשה ומעלו הכבד אשר נתן עלינו ונעבדך
⁵ ויאמר אלהם עוד שלשת ימים ושובו אלי וילך העם
⁶ ויועץ המלך רחבעם את הזקנים אשר היו עמדים לפני שלמה אביו בהיתו חי לאמר איך אתם
נועצים להשיב לעם הזה דבר
⁷ וידברו אליו לאמר אם תהיה לטוב להעם הזה ורציתם ודברת אלהם דברים טובים והיו לך עבדים
כל הימים
⁸ ויעזב את עצת הזקנים אשר יעצהו ויועץ את הילדים אשר גדלו אתו העמדים לפניו
⁹ ויאמר אלהם מה אתם נועצים ונשיב דבר את העם הזה אשר דברו אלי לאמר הקל מן העל אשר
נתן אביך עלינו
¹⁰ וידברו אתו הילדים אשר גדלו אתו לאמר כה תאמר לעם אשר דברו אליך לאמר אביך הכביד את
עלנו ואתה הקל מעלינו כה תאמר אלהם קטני עבה ממתני אבי!
¹¹ ועתה אבי העמיס עליכם על כבד ואני אסיף על עלכם אבי יסר אתכם בשוטים ואני בעקרבים
¹² ויבא ירבעם וכל העם אל רחבעם ביום השלשי כאשר דבר המלך לאמר שובו אלי ביום השלשי!
¹³ ויענם המלך קשה ויעזב המלך רחבעם את עצת הזקנים
¹⁴ וידבר אלהם כעצת הילדים לאמר אכביד את עלכם ואני אסיף עליו אבי יסר אתכם בשוטים ואני

בעקרבם

¹⁵ ולא שמע המלך אל העם כי היתה נסבה מעם האלהים למען הקים יהוה את דברו אשר דבר ביד אחיהו השלוני אל ירבעם בן נבט

¹⁶ וכל ישראל כי לא שמע המלך להם וישיבו העם את המלך לאמר מה לנו חלק בדוד וכל נחלה בבן ישי איש לאהליך ישראל עתה ראה ביתך דוד וילך כל ישראל לאהליו

¹⁷ ובני ישראל הישבים בערי יהודה וימלך עליהם רחבעם

¹⁸ וישלח המלך רחבעם את הדרם אשר על המס וירגמו בו בני ישראל אבן וימת והמלך רחבעם התאמץ לעלות במרכבה לנוס ירושלם

¹⁹ ויפשעו ישראל בבית דוד עד היום הזה

הפרק 11

יבא רחבעם ירושלם ויקהל את בית יהודה ובנימן מאה ושמונים אלף בחור עשה מלחמה להלחם עם ישראל להשיב את הממלכה לרחבעם

² ויהי דבר יהוה אל שמעיהו איש האלהים לאמר

³ אמר אל רחבעם בן שלמה מלך יהודה ואל כל ישראל ביהודה ובנימן לאמר

⁴ כה אמר יהוה לא תעלו ולא תלחמו עם אחיכם שובו איש לביתו כי מאתי נהיה הדבר הזה וישמעו את דברי יהוה וישבו מלכת אל ירבעם

⁵ וישב רחבעם בירושלם ויבן ערים למצור ביהודה

⁶ ויבן את בית לחם ואת עיטם ואת תקוע

⁷ ואת בית צור ואת שוכו ואת עדלם

⁸ ואת גת ואת מרשה ואת זיף

⁹ ואת אדורים ואת לכיש ואת עזקה

¹⁰ ואת צרעה ואת אילון ואת חברון אשר ביהודה ובבנימן ערי מצרות

¹¹ ויחזק את המצרות ויתן בהם נגידים ואצרות מאכל ושמן ויין

¹² ובכל עיר ועיר צנות ורמחים ויחזקם להרבה מאד ויהי לו יהודה ובנימן

¹³ והכהנים והלויים אשר בכל ישראל התיצבו עליו מכל גבולם

¹⁴ כי עזבו הלויים את מגרשיהם ואחזתם וילכו ליהודה ולירושלם כי הזניחם ירבעם ובניו מכהן ליהוה

¹⁵ ויעמד לו כהנים לבמות ולשעירים ולעגלים אשר עשה

¹⁶ ואחריהם מכל שבטי ישראל הנתנים את לבבם לבקש את יהוה אלהי ישראל באו ירושלם לזבוח ליהוה אלהי אבותיהם

¹⁷ ויחזקו את מלכות יהודה ויאמצו את רחבעם בן שלמה לשנים שלוש כי הלכו בדרך דוד ושלמה לשנים שלוש

¹⁸ ויקח לו רחבעם אשה את מחלת בן ירימות בן דוד אביהיל בת אליאב בן ישׁ

¹⁹ ותלד לו בנים את יעוש ואת שמריה ואת זהם

²⁰ ואחריה לקח את מעכה בת אבשלום ותלד לו את אביה ואת עתי ואת זיזא ואת שלמית

²¹ ויאבה רחבעם את מעכה בת אבשלום מכל נשיו ופילגשיו כי נשים שמונה עשרה נשא ופילגשים ששים ויולד עשרים ושמונה בנים וששים בנות

²² ויעמד לראש רחבעם את אביה בן מעכה לנגיד באחיו כי להמליכו

²³ ויבן ויפרץ מכל בניו לכל ארצות יהודה ובנימן לכל ערי המצרות ויתן להם המזון לרב וישאל המון נשים

הפרק 12

איהי כהכין מלכות רחבעם וכחזקתו עזב את תורת יהוה וכל ישראל עמו¹
²ויהי בשנה החמישית למלך רחבעם עלה שישק מלך מצרים על ירושלם כי מעלו ביהוה
³באלף ומאתים רכב ובששים אלף פרשים ואין מספר לעם אשר באו עמו ממצרים לובים סכיים
וכושים
⁴וילכד את ערי המצרות אשר ליהודה ויבא עד ירושלם
⁵ושמעיה הנביא בא אל רחבעם ושרי יהודה אשר נאספו אל ירושלם מפני שישק ויאמר להם כה
אמר יהוה אתם עזבתם אתי ואף אני עזבתי אתכם ביד שישק
⁶ויכנעו שרי ישראל והמלך ויאמרו צדיק יהוה
⁷ובראות יהוה כי נכנעו היה דבר יהוה אל שמעיה לאמר נכנעו לא אשחיתם ונתתי להם כמעט
לפליטה ולא תתך חמתי בירושלם ביד שישק
⁸כי יהיו לו לעבדים וידעו עבודתי ועבודת ממלכות הארצות
⁹ויעל שישק מלך מצרים על ירושלם ויקח את אצרות בית יהוה ואת אצרות בית המלך את הכל לקח
ויקח את מגני הזהב אשר עשה שלמה
¹⁰ויעש המלך רחבעם תחתיהם מגני נחשת והפקיד על יד שרי הרצים השמרים פתח בית המלך
¹¹ויהי מדי בוא המלך בית יהוה באו הרצים ונשאום והשבום אל תא הרצים
¹²ובהכנעו שב ממנו אף יהוה ולא להשחית לכלה וגם ביהודה היה דברים טובים
¹³ויתחזק המלך רחבעם בירושלם וימלך כי בן ארבעים ואחת שנה רחבעם במלכו ושבע עשרה שנה
מלך בירושלם העיר אשר בחר יהוה לשום את שמו שם מכל שבטי ישראל ושם אמו נעמה העמנית
¹⁴ויעש הרע כי לא הכין לבו לדרוש את יהוה
¹⁵ודברי רחבעם הראשנים והאחרונים הלא הם כתובים בדברי שמעיה הנביא ועדו החזה להתיחש
ומלחמות רחבעם וירבעם כל הימים
¹⁶וישכב רחבעם עם אבתיו ויקבר בעיר דויד וימלך אביה בנו תחתיו

הפרק 13

בשנת שמונה עשרה למלך ירבעם וימלך אביה על יהודה
²שלוש שנים מלך בירושלם ושם אמו מיכיהו בת אוריאל מן גבעה ומלחמה היתה בין אביה ובין
ירבעם
³ויאסר אביה את המלחמה בחיל גבורי מלחמה ארבע מאות אלף איש בחור וירבעם ערך עמו
מלחמה בשמונה מאות אלף איש בחור גבור חיל
⁴ויקם אביה מעל להר צמרים אשר בהר אפרים ויאמר שמעוני ירבעם וכל ישראל
⁵הלא לכם לדעת כי יהוה אלהי ישראל נתן ממלכה לדויד על ישראל לעולם לו ולבניו ברית מלח
⁶ויקם ירבעם בן נבט עבד שלמה בן דויד וימרד על אדניו
⁷ויקבצו עליו אנשים רקים בני בליעל ויתאמצו על רחבעם בן שלמה ורחבעם היה נער ורך לבב ולא
התחזק לפניהם
⁸ועתה אתם אמרים להתחזק לפני ממלכת יהוה ביד בני דויד ואתם המון רב ועמכם עגלי זהב אשר
עשה לכם ירבעם לאלהים
⁹הלא הדחתם את כהני יהוה את בני אהרן והלויים ותעשו לכם כהנים כעמי הארצות כל הבא למלא
ידו בפר בן בקר ואילם שבעה והיה כהן ללא אלהים
¹⁰ואנחנו יהוה אלהינו ולא עזבנוהו וכהנים משרתים ליהוה בני אהרן והלויים במלאכת
¹¹ומקטרים ליהוה עלות בבקר בבקר ובערב בערב וקטרת סמים ומערכת לחם על השלחן הטהור
ומנורת הזהב ונרתיה לבער בערב בערב כי שמרים אנחנו את משמרת יהוה אלהינו ואתם עזבתם
אתו
¹²והנה עמנו בראש האלהים וכהניו וחצצרות התרועה להריע עליכם בני ישראל אל תלחמו עם יהוה
אלהי אבותיכם כי לא תצליחו

¹³וירבעם הסב את המארב לבוא מאחריהם ויהיו לפני יהודה והמארב מאחריהם
¹⁴ויפנו יהודה והנה להם המלחמה פנים ואחור ויצעקו ליהוה והכהנים מחצצרים בחצצרות
¹⁵ויריעו איש יהודה ויהי בהריע איש יהודה והאלהים נגף את ירבעם וכל ישראל לפני אביה ויהודה
¹⁶וינוסו בני ישראל מפני יהודה ויתנם אלהים בידם
¹⁷ויכו בהם אביה ועמו מכה רבה ויפלו חללים מישראל חמש מאות אלף איש בחור
¹⁸ויכנעו בני ישראל בעת ההיא ויאמצו בני יהודה כי נשענו על יהוה אלהי אבותיהם
¹⁹וירדף אביה אחרי ירבעם וילכד ממנו ערים את בית אל ואת בנותיה ואת ישנה ואת בנותיה ואת
עפרון ובנתיח
²⁰ולא עצר כח ירבעם עוד בימי אביהו ויגפהו יהוה וימת
²¹ויתחזק אביהו וישא לו נשים ארבע עשרה וילד עשרים ושנים בנים ושש עשרה בנות
²²ויתר דברי אביה ודרכיו ודבריו כתובים במדרש הנביא עדו

הפרק 14

ישכב אביה עם אבתיו ויקברו אתו בעיר דויד וימלך אסא בנו תחתיו בימיו שקטה הארץ עשר שנים
²ויעש אסא הטוב והישר בעיני יהוה אלהיו
³ויסר את מזבחות הנכר והבמות וישבר את המצבות ויגדע את האשרים
⁴ויאמר ליהודה לדרוש את יהוה אלהי אבותיהם ולעשות התורה והמצוה
⁵ויסר מכל ערי יהודה את הבמות ואת החמנים ותשקט הממלכה לפניו
⁶ויבן ערי מצורה ביהודה כי שקטה הארץ ואין עמו מלחמה בשנים האלה כי הניח יהוה לו
⁷ויאמר ליהודה נבנה את הערים האלה ונסב חומה ומגדלים דלתים ובריחים עודנו הארץ לפנינו כי
דרשנו את יהוה אלהינו דרשנו וינח לנו מסביב ויבנו ויצליחו
⁸ויהי לאסא חיל נשא צנה ורמח מיהודה שלש מאות אלף ומבנימן נשאי מגן ודרכי קשת מאתים
ושמונים אלף כל אלה גבורי חיל
⁹ויצא אליהם זרח הכושי בחיל אלף אלפים ומרכבות שלש מאות ויבא עד מרשה
¹⁰ויצא אסא לפניו ויערכו מלחמה בגיא צפתה למרשה
¹¹ויקרא אסא אל יהוה אלהיו ויאמר יהוה אין עמך לעזור בין רב לאין כח עזרנו יהוה אלהינו כי עליך
נשענו ובשמך באנו על ההמון הזה יהוה אלהינו אתה אל יעצר עמך אנוש
¹²ויגף יהוה את הכושים לפני אסא ולפני יהודה וינסו הכושים
¹³וירדפם אסא והעם אשר עמו עד לגרר ויפל מכושים לאין להם מחיה כי נשברו לפני יהוה ולפני
מחנהו וישאו שלל הרבה מאד
¹⁴ויכו את כל הערים סביבות גרר כי היה פחד יהוה עליהם ויבזו את כל הערים כי בזה רבה היתה
בהם
¹⁵וגם אהלי מקנה הכו וישבו צאן לרב וגמלים וישבו ירושלם

הפרק 15

יעזריהו בן עודד היתה עליו רוח אלהים
²ויצא לפני אסא ויאמר לו שמעוני אסא וכל יהודה ובנימן יהוה עמכם בהיותכם עמו ואם תדרשו
ימצא לכם ואם תעזבו יעזב אתכם
³וימים רבים לישראל ללא אלהי אמת וללא כהן מורה וללא תורה
⁴וישב בצר לו על יהוה אלהי ישראל ויבקשו וימצא להם
⁵ובעתים ההם אין שלום ליוצא ולבא כי מהומת רבות על כל יושבי הארצות
⁶וכתתו גוי בגוי ועיר בעיר כי אלהים הממם בכל צרה

⁷ואתם חזקו ואל ירפו ידיכם כי יש שכר לפעלתכם

⁸וכשמע אסא הדברים האלה והנבואה עדד הנביא התחזק ויעבר השקוצים מכל ארץ יהודה ובנימן ומן הערים אשר לכד מהר אפרים ויחדש את מזבח יהוה אשר לפני אולם יהוה

⁹ויקבץ את כל יהודה ובנימן והגרים עמהם מאפרים ומנשה ומשמעון כי נפלו עליו מישראל לרב בראתם כי יהוה אלהיו עמו

¹⁰ויקבצו ירושלם בחדש השלישי לשנת חמש עשרה למלכות אסא

¹¹ויזבחו ליהוה ביום ההוא מן השלל הביאו בקר שבע מאות וצאן שבעת אלפים

¹²ויבאו בברית לדרוש את יהוה אלהי אבותיהם בכל לבבם ובכל נפשם

¹³וכל אשר לא ידרש ליהוה אלהי ישראל יומת למן קטן ועד גדול למאיש ועד אשה

¹⁴וישבועו ליהוה בקול גדול ובתרועה ובחצצרות ובשופרות

¹⁵וישמחו כל יהודה על השבועה כי בכל לבבם נשבעו ובכל רצונם בקשהו וימצא להם וינח יהוה להם מסביב

¹⁶וגם מעכה אם אסא המלך הסירה מגבירה אשר עשתה לאשרה מפלצת ויכרת אסא את מפלצתה וידק וישרף בנחל קדרון

¹⁷והבמות לא סרו מישראל רק לבב אסא היה שלם כל ימיו

¹⁸ויבא את קדשי אביו וקדשיו בית האלהים כסף וזהב וכלים

¹⁹ומלחמה לא היתה עד שנת שלשים וחמש למלכות אסא

הפרק 16

בשנת שלשים ושש למלכות אסא עלה בעשא מלך ישראל על יהודה ויבן את הרמה לבלתי תת יוצא ובא לאסא מלך יהודה

²ויצא אסא כסף וזהב מאצרות בית יהוה ובית המלך וישלח אל בן הדד מלך ארם היושב בדורמשק לאמה

³ברית ביני ובינך ובין אבי ובין אביך הנה שלחתי לך כסף וזהב לך הפר בריתך את בעשא מלך ישראל ויעלה מעלי

⁴וישמע בן הדד אל המלך אסא וישלח את שרי החילים אשר לו אל ערי ישראל ויכו את עיון ואת דן ואת אבל מים ואת כל מסכנות ערי נפתלי

⁵ויהי כשמע בעשא ויחדל מבנות את הרמה וישבת את מלאכתו

⁶ואסא המלך לקח את כל יהודה וישאו את אבני הרמה ואת עציה אשר בנה בעשא ויבן בהם את גבע ואת המצפח

⁷ובעת ההיא בא חנני הראה אל אסא מלך יהודה ויאמר אליו בהשענך על מלך ארם ולא נשענת על יהוה אלהיך על כן נמלט חיל מלך ארם מידך

⁸הלא הכושים והלובים היו לחיל לרב לרכב ולפרשים להרבה מאד ובהשענך על יהוה נתנם בידך

⁹כי יהוה עיניו משטטות בכל הארץ להתחזק עם לבבם שלם אליו נסכלת על זאת כי מעתה יש עמך מלחמות

¹⁰ויכעס אסא אל הראה ויתנהו בית המהפכת כי בזעף עמו על זאת וירצץ אסא מן העם בעת ההיא

¹¹והנה דברי אסא הראשונים והאחרונים הנם כתובים על ספר המלכים ליהודה וישראל

¹²ויחלא אסא בשנת שלושים ותשע למלכותו ברגליו עד למעלה חליו וגם בחליו לא דרש את יהוה כי ברפאים

¹³וישכב אסא עם אבתיו וימת בשנת ארבעים ואחת למלכו

¹⁴ויקברוהו בקברתיו אשר לו בעיר דויד וישכיבוהו במשכב אשר מלא בשמים וזנים מרקחים במרקחת מעשה וישרפו לו שרפה גדולה עד למאד

הפרק 17

ימלך יהושפט בנו תחתיו ויתחזק על ישראל

²ויתן חיל בכל ערי יהודה הבצרות ויתן נציבים בארץ יהודה ובערי אפרים אשר לכד אסא אביו

³ויהי יהוה עם יהושפט כי הלך בדרכי דויד אביו הראשנים ולא דרש לבעלים

⁴כי לאלהי אביו דרש ובמצותיו הלך ולא כמעשה ישראל

⁵ויכן יהוה את הממלכה בידו ויתנו כל יהודה מנחה ליהושפט ויהי לו עשר וכבוד לרב

⁶ויגבה לבו בדרכי יהוה ועוד הסיר את הבמות ואת האשרים מיהודה

⁷ובשנת שלוש למלכו שלח לשריו לבן חיל ולעבדיה ולזכריה ולנתנאל ולמיכיהו ללמד בערי יהודה

⁸ועמיהם הלויים שמעיהו ונתניהו וזבדיהו ועשהאל ושמרימות ויהונתן ואדניהו וטוביהו וטוב אדוניה הלויים ועמיהם אלישמע ויהורם הכהנים

⁹וילמדו ביהודה ועמיהם ספר תורת יהוה ויסבו בכל ערי יהודה וילמדו בעם

¹⁰ויהי פחד יהוה על כל ממלכות הארצות אשר סביבות יהודה ולא נלחמו עם יהושפט

¹¹ומן פלשתים מביאים ליהושפט מנחה וכסף משא גם הערביאים מביאים לו צאן אילים שבעת אלפים ושבע מאות ותישים שבעת אלפים ושבע מאות

¹²ויהי יהושפט הלך וגדל עד למעלה ויבן ביהודה בירניות וערי מסכנות

¹³ומלאכה רבה היה לו בערי יהודה ואנשי מלחמה גבורי חיל בירושלם

¹⁴ואלה פקדתם לבית אבותיהם ליהודה שרי אלפים עדנה השר ועמו גבורי חיל שלש מאות אלף

¹⁵ועל ידו יהוחנן השר ועמו מאתיים ושמונים אלף

¹⁶ועל ידו עמסיה בן זכרי המתנדב ליהוה ועמו מאתיים אלף גבורי חיל

¹⁷ומן בנימן גבורי חיל אלידע ועמו נשקי קשת ומגן מאתיים אלף

¹⁸ועל ידו יהוזבד ועמו מאה ושמונים אלף חלוצי צבא

¹⁹אלה המשרתים את המלך מלבד אשר נתן המלך בערי המבצר בכל יהודה

הפרק 18

יהי ליהושפט עשר וכבוד לרב ויתחתן לאחאב

²וירד לקץ שנים אל אחאב לשמרון ויזבח לו אחאב צאן ובקר לרב ולעם אשר עמו ויסיתו לעלות אל רמות גלעד

³ויאמר אחאב מלך ישראל אל יהושפט מלך יהודה התלך עמי רמת גלעד ויאמר לו כמוני כמוך וכעמך עמי ועמך במלחמה

⁴ויאמר יהושפט אל מלך ישראל דרש נא כיום את דבר יהוה

⁵ויקבץ מלך ישראל את הנבאים ארבע מאות איש ויאמר אלהם הנלך אל רמת גלעד למלחמה אם אחדל ויאמרו עלה ויתן האלהים ביד המלך

⁶ויאמר יהושפט האין פה נביא ליהוה עוד ונדרשה מאתו

⁷ויאמר מלך ישראל אל יהושפט עוד איש אחד לדרוש את יהוה מאתו ואני שנאתיהו כי איננו מתנבא עלי לטובה כי כל ימיו לרעה הוא מיכיהו בן ימלא ויאמר יהושפט אל יאמר המלך כן

⁸ויקרא מלך ישראל אל סריס אחד ויאמר מהר מיכיהו בן ימלא

⁹ומלך ישראל ויהושפט מלך יהודה יושבים איש על כסאו מלבשים בגדים וישיבים בגרן פתח שער שמרון וכל הנבאים מתנבאים לפניהם

¹⁰ויעש לו צדקיהו בן כנענה קרני ברזל ויאמר כה אמר יהוה באלה תנגח את ארם עד כלותם

¹¹וכל הנבאים נבאים כן לאמר עלה רמת גלעד והצלח ונתן יהוה ביד המלך

¹²והמלאך אשר הלך לקרא למיכיהו דבר אליו לאמר הנה דברי הנבאים פה אחד טוב אל המלך ויהי נא דברך כאחד מהם ודברת טוב

¹³ויאמר מיכיהו חי יהוה כי את אשר יאמר אלהי אתו אדבר

¹⁴ויבא אל המלך ויאמר המלך אליו מיכה הנלך אל רמת גלעד למלחמה אם אחדל ויאמר עלו

והצליחו וינתנו בידכם

¹⁵ ויאמר אליו המלך עד כמה פעמים אני משביעך אשר לא תדבר אלי רק אמת בשם יהוה

¹⁶ ויאמר ראיתי את כל ישראל נפוצים על ההרים כצאן אשר אין להן רעה ויאמר יהוה לא אדנים לאלה ישובו איש לביתו בשלום

¹⁷ ויאמר מלך ישראל אל יהושפט הלא אמרתי אליך לא יתנבא עלי טוב כי אם לרע

¹⁸ ויאמר לכן שמעו דבר יהוה ראיתי את יהוה יושב על כסאו וכל צבא השמים עמדים על ימינו ושמאלו

¹⁹ ויאמר יהוה מי יפתה את אחאב מלך ישראל ויעל ויפל ברמות גלעד ויאמר זה אמר ככה וזה אמר ככה

²⁰ ויצא הרוח ויעמד לפני יהוה ויאמר אני אפתנו ויאמר יהוה אליו במה

²¹ ויאמר אצא והייתי לרוח שקר בפי כל נביאיו ויאמר תפתה וגם תוכל צא ועשה כן

²² ועתה הנה נתן יהוה רוח שקר בפי נביאיו אלה ויהוה דבר עליך רעה

²³ ויגש צדקיהו בן כנענה ויך את מיכיהו על הלחי ויאמר אי זה הדרך עבר רוח יהוה מאתי לדבר אתך

²⁴ ויאמר מיכיהו הנך ראה ביום ההוא אשר תבוא חדר בחדר להחבא

²⁵ ויאמר מלך ישראל קחו את מיכיהו והשיבוהו אל אמון שר העיר ואל יואש בן המלך

²⁶ ואמרתם כה אמר המלך שימו זה בית הכלא והאכלהו לחם לחץ ומים לחץ עד שובי בשלום

²⁷ ויאמר מיכיהו אם שוב תשוב בשלום לא דבר יהוה בי ויאמר שמעו עמים כלם

²⁸ ויעל מלך ישראל ויהושפט מלך יהודה אל רמת גלעד

²⁹ ויאמר מלך ישראל אל יהושפט התחפש ובוא במלחמה ואתה לבש בגדיך ויתחפש מלך ישראל ויבאו במלחמה

³⁰ ומלך ארם צוה את שרי הרכב אשר לו לאמר לא תלחמו את הקטן את הגדול כי אם את מלך ישראל לבדו

³¹ ויהי כראות שרי הרכב את יהושפט והמה אמרו מלך ישראל הוא ויסבו עליו להלחם ויזעק יהושפט ויהוה עזרו ויסיתם אלהים ממנו

³² ויהי כראות שרי הרכב כי לא היה מלך ישראל וישבו מאחריו

³³ ואיש משך בקשת לתמו ויך את מלך ישראל בין הדבקים ובין השרין ויאמר לרכב הפך ידיך והוצאתני מן המחנה כי החליתי

³⁴ ותעל המלחמה ביום ההוא ומלך ישראל היה מעמיד במרכבה נכח ארם עד הערב וימת לעת בוא השמש

הפרק 19

ישב יהושפט מלך יהודה אל ביתו בשלום לירושלם

² ויצא אל פניו יהוא בן חנני החזה ויאמר אל המלך יהושפט הלהרשע לעזר ולשנאי יהוה תאהב ובזאת עליך קצף מלפני יהוה

³ אבל דברים טובים נמצאו עמך כי בערת האשרות מן הארץ והכינות לבבך לדרש האלהים

⁴ וישב יהושפט בירושלם וישב ויצא בעם מבאר שבע עד הר אפרים וישיבם אל יהוה אלהי אבותיהם

⁵ ויעמד שפטים בארץ בכל ערי יהודה הבצרות לעיר ועיר

⁶ ויאמר אל השפטים ראו מה אתם עשים כי לא לאדם תשפטו כי ליהוה ועמכם בדבר משפט

⁷ ועתה יהי פחד יהוה עליכם שמרו ועשו כי אין עם יהוה אלהינו עולה ומשא פנים ומקח שחד

⁸ וגם בירושלם העמיד יהושפט מן הלויים והכהנים ומראשי האבות לישראל למשפט יהוה ולריב וישבו ירושלם

⁹ ויצו עליהם לאמר כה תעשון ביראת יהוה באמונה ובלבב שלם

¹⁰ וכל ריב אשר יבוא עליכם מאחיכם הישבים בעריהם בין דם לדם בין תורה למצוה לחקים

ולמשפטים והזהרתם אתם ולא יאשמו ליהוה והיה קצף עליכם ועל אחיכם כה תעשון ולא תאשמו¹¹ והנה אמריהו כהן הראש עליכם לכל דבר יהוה וזבדיהו בן ישמעאל הנגיד לבית יהודה לכל דבר המלך ושטרים הלויים לפניכם חזקו ועשו ויהי יהוה עם הטוב

הפרק 20

יהי אחריכן באו בני מואב ובני עמון ועמהם מהעמונים על יהושפט למלחמה² ויבאו ויגידו ליהושפט לאמר בא עליך המון רב מעבר לים מארם והנם בחצצון תמר היא עין גדי³ וירא ויתן יהושפט את פניו לדרוש ליהוה ויקרא צום על כל יהודה⁴ ויקבצו יהודה לבקש מיהוה גם מכל ערי יהודה באו לבקש את יהוה⁵ ויעמד יהושפט בקהל יהודה וירושלם בבית יהוה לפני החצר החדשה⁶ ויאמר יהוה אלהי אבותינו הלא אתה הוא אלהים בשמים ואתה מושל בכל ממלכות הגוים ובידך כח וגבורה ואין עמך להתיצב⁷ הלא אתה אלהינו הורשת את ישראלי הארץ הזאת מלפני עמך ישראל ותתנה לזרע אברהם אהבך לעולם⁸ וישבו בה ויבנו לך בה מקדש לשמך לאמה⁹ אם תבוא עלינו רעה חרב שפוט ודבר ורעב נעמדה לפני הבית הזה ולפניך כי שמך בבית הזה ונזעק אליך מצרתנו ותשמע ותושיע¹⁰ ועתה הנה בני עמון ומואב והר שעיר אשר לא נתתה לישראל לבוא בהם בבאם מארץ מצרים כי סרו מעליהם ולא השמידום¹¹ והנה הם גמלים עלינו לבוא לגרשנו מירשתך אשר הורשתנו¹² אלהינו הלא תשפט בם כי אין בנו כח לפני ההמון הרב הזה הבא עלינו ואנחנו לא נדע מה נעשה כי עליך עינינו¹³ וכל יהודה עמדים לפני יהוה גם טפם נשיהם ובניהם¹⁴ ויחזיאל בן זכריהו בן בניה בן יעאל בן מתניה הלוי מן בני אסף היתה עליו רוח יהוה בתוך הקהל¹⁵ ויאמר הקשיבו כל יהודה וישבי ירושלם והמלך יהושפט כה אמר יהוה לכם אתם אל תיראו ואל תחתו מפני ההמון הרב הזה כי לא לכם המלחמה כי לאלהים¹⁶ מחר רדו עליהם הנם עלים במעלה הציץ ומצאתם אתם בסוף הנחל פני מדבר ירואל¹⁷ לא לכם להלחם בזאת התיצבו עמדו וראו את ישועת יהוה עמכם יהודה וירושלם אל תיראו ואל תחתו מחר צאו לפניהם ויהוה עמכם¹⁸ ויקד יהושפט אפים ארצה וכל יהודה וישבי ירושלם נפלו לפני יהוה להשתחוות ליהוה¹⁹ ויקמו הלויים מן בני הקהתים ומן בני הקרחים להלל ליהוה אלהי ישראל בקול גדול למעלה²⁰ וישכימו בבקר ויצאו למדבר תקוע ובצאתם עמד יהושפט ויאמר שמעוני יהודה וישבי ירושלם האמינו ביהוה אלהיכם ותאמנו האמינו בנביאי ויחזקו והצליחו²¹ ויועץ אל העם ויעמד משררים ליהוה ומהללים להדרת קדש בצאת לפני החלוץ ואמרים הודו ליהוה כי לעולם חסדו²² ובעת החלו ברנה ותהלה נתן יהוה מארבים על בני עמון ומואב והר שעיר הבאים ליהודה וינגפו²³ ויעמדו בני עמון ומואב על ישראלי הר שעיר להחרים ולהשמיד וככלותם ביושבי שעיר עזרו איש ברעהו למשחית²⁴ ויהודה בא על המצפה למדבר ויפנו אל ההמון והנם פגרים נפלים ארצה ואין פליטה²⁵ ויבא יהושפט ועמו לבז את שללם וימצאו בהם לרב ורכוש ופגרים וכלי חמדות וינצלו להם לאין משא ויהיו ימים שלושה בזים את השלל כי רב הוא²⁶ וביום הרבעי נקהלו לעמק ברכה כי שם ברכו את יהוה על כן קראו את שם המקום ההוא עמק ברכה עד היום²⁷ וישבו כל איש יהודה וירושלם ויהושפט בראשם לשוב אל ירושלם בשמחה כי שמחם יהוה

מאויביהם

²⁸ויבאו ירושלם בנבלים ובכנרות ובחצצרות אל בית יהוה

²⁹ויהי פחד אלהים על כל ממלכות הארצות בשמעם כי נלחם יהוה עם אויבי ישראל

³⁰ותשקט מלכות יהושפט וינח לו אלהיו מסביב

³¹וימלך יהושפט על יהודה בן שלשים וחמש שנה במלכו ועשרים וחמש שנה מלך בירושלם ושם אמו עזובה בת שלח!

³²וילך בדרך אביו אסא ולא סר ממנה לעשות הישר בעיני יהוה

³³אך הבמות לא סרו ועוד העם לא הכינו לבבם לאלהי אבותיהם

³⁴ויתר דברי יהושפט הראשנים והאחרנים הנם כתובים בדברי יהוא בן חנני אשר העלה על ספר מלכי ישראל

³⁵ואחריו אתחבר יהושפט מלך יהודה עם אחזיה מלך ישראל הוא הרשיע לעשות

³⁶ויחברו עמו לעשות אניות ללכת תרשיש ויעשו אניות בעציון גבה

³⁷ויתנבא אליעזר בן דדוהו ממרשה על יהושפט לאמר כהתחברך עם אחזיהו פרץ יהוה את מעשיך וישברו אניות ולא עצרו ללכת אל תרשיש

הפרק 21

ישכב יהושפט עם אבתיו ויקבר עם אבתיו בעיר דויד וימלך יהורם בנו תחתיו

²ולו אחים בני יהושפט עזריה ויחאל וזכריהו ועזריהו ומיכאל ושפטיהו כל אלה בני יהושפט מלך ישראל

³ויתן להם אביהם מתנות רבות לכסף ולזהב ולמגדנות עם ערי מצרות ביהודה ואת הממלכה נתן ליהורם כי הוא הבכור

⁴ויקם יהורם על ממלכת אביו ויתחזק ויהרג את כל אחיו בחרב וגם משרי ישראל

⁵בן שלשים ושתים שנה יהורם במלכו ושמונה שנים מלך בירושלם

⁶וילך בדרך מלכי ישראל כאשר עשו בית אחאב כי בת אחאב היתה לו אשה ויעש הרע בעיני יהוה ולא אבה יהוה להשחית את בית דויד למען הברית אשר כרת לדויד וכאשר אמר לתת לו ניר ולבניו כל הימים

⁸בימיו פשע אדום מתחת יד יהודה וימליכו עליהם מלך

⁹ויעבר יהורם עם שריו וכל הרכב עמו ויהי קם לילה ויך את אדום הסובב אליו ואת שרי הרכב

¹⁰ויפשע אדום מתחת יד יהודה עד היום הזה אז תפשע לבנה בעת ההיא מתחת ידו כי עזב את יהוה אלהי אבתיו

¹¹גם הוא עשה במות בהרי יהודה ויזן את יושבי ירושלם וידח את יהודה

¹²ויבא אליו מכתב מאליהו הנביא לאמר כה אמר יהוה אלהי דויד אביך תחת אשר לא הלכת בדרכי יהושפט אביך ובדרכי אסא מלך יהודה

¹³ותלך בדרך מלכי ישראל ותזנה את יהודה ואת יושבי ירושלם כהזנות בית אחאב וגם את אחיך בית אביך הטובים ממך הרגת

¹⁴הנה יהוה נגף מגפה גדולה בעמך ובבניך ובנשיך ובכל רכושך

¹⁵ואתה בחליים רבים במחלה מעיך עד יצאו מעיך מן החלי ימים על ימים

¹⁶ויער יהוה על יהורם את רוח הפלשתים והערבים אשר על יד כושים

¹⁷ויעלו ביהודה ויבקעוה וישבו את כל הרכוש הנמצא לבית המלך וגם בניו ונשיו ולא נשאר לו בן כי אם יהואחז קטן בניו

¹⁸ואחרי כל זאת נגפו יהוה במעיו לחלי לאין מרפא

¹⁹ויהי לימים מימים וכעת צאת הקץ לימים שנים יצאו מעיו עם חליו וימת בתחלאים רעים ולא עשו

לו עמו שרפה כשרפת אבתיו

²⁰בן שלשים ושתים היה במלכו ושמונה שנים מלך בירושלם וילך בלא חמדה ויקברו בעיר דויד ולא בקברות המלכים

הפרק 22

ימליכו יושבי ירושלם את אחזיהו בנו הקטן תחתיו כי כל הראשנים הרג הגדוד הבא בערבים למחנה וימלך אחזיהו בן יהורם מלך יהודה

²בן ארבעים ושתים שנה אחזיהו במלכו ושנה אחת מלך בירושלם ושם אמו עתליהו בת עמר:

³גם הוא הלך בדרכי בית אחאב כי אמו היתה יועצתו להרשיע

⁴ויעש הרע בעיני יהוה כבית אחאב כי המה היו לו יועצים אחרי מות אביו למשחית לו

⁵גם בעצתם הלך וילך את יהורם בן אחאב מלך ישראל למלחמה על חזאל מלך ארם ברמות גלעד ויכו הרמים את יורם

⁶וישב להתרפא ביזרעאל כי המכים אשר הכהו ברמה בהלחמו את חזאל מלך ארם ועזריהו בן יהורם מלך יהודה ירד לראות את יהורם בן אחאב ביזרעאל כי חלה הוא

⁷ומאלהים היתה תבוסת אחזיהו לבוא אל יורם ובבאו יצא עם יהורם אל יהוא בן נמשי אשר משחו יהוה להכרית את בית אחאב

⁸ויהי כהשפט יהוא עם בית אחאב וימצא את שרי יהודה ובני אחי אחזיהו משרתים לאחזיהו ויהרגם

⁹ויבקש את אחזיהו וילכדו והוא מתחבא בשמרון ויבאהו אל יהוא וימתהו ויקברו כי אמרו בן יהושפט הוא אשר דרש את יהוה בכל לבבו ואין לבית אחזיהו לעצר כח לממלכה

¹⁰ועתליהו אם אחזיהו ראתה כי מת בנה ותקם ותדבר את כל זרע הממלכה לבית יהודה

¹¹ותקח יהושבעת בת המלך את יואש בן אחזיהו ותגנב אתו מתוך בני המלך המומתים ותתן אתו ואת מינקתו בחדר המטות ותסתירהו יהושבעת בת המלך יהורם אשת יהוידע הכהן כי היא היתה אחות אחזיהו מפני עתליהו ולא המיתתהו

¹²ויהי אתם בבית האלהים מתחבא שש שנים ועתליה מלכת על הארץ

הפרק 23

בשנה השבעית התחזק יהוידע ויקח את שרי המאות לעזריהו בן ירחם ולישמעאל בן יהוחנן ולעזריהו בן עובד ואת מעשיהו בן עדיהו ואת אלישפט בן זכרי עמו בברית

²ויסבו ביהודה ויקבצו את הלויים מכל ערי יהודה וראשי האבות לישראל ויבאו אל ירושלם

³ויכרת כל הקהל ברית בבית האלהים עם המלך ויאמר להם הנה בן המלך ימלך כאשר דבר יהוה על בני דויד

⁴זה הדבר אשר תעשו השלשית מכם באי השבת לכהנים וללויים לשערי הספים

⁵והשלשית בבית המלך והשלשית בשער היסוד וכל העם בחצרות בית יהוה

⁶ואל יבוא בית יהוה כי אם הכהנים והמשרתים ללויים המה יבאו כי קדש המה וכל העם ישמרו משמרת יהוה

⁷והקיפו הלויים את המלך סביב איש וכליו בידו והבא אל הבית יומת והיו את המלך בבואו ובצאתו

⁸ויעשו הלויים וכל יהודה ככל אשר צוה יהוידע הכהן ויקחו איש את אנשיו באי השבת עם יוצאי השבת כי לא פטר יהוידע הכהן את המחלקות

⁹ויתן יהוידע הכהן לשרי המאות את החניתים ואת המגנות ואת השלטים אשר למלך דויד אשר בית האלהים

¹⁰ויעמד את כל העם ואיש שלחו בידו מכתף הבית הימנית עד כתף הבית השמאלית למזבח ולבית על המלך סביב

¹¹ויוציאו את בן המלך ויתנו עליו את הנזר ואת העדות וימליכו אתו וימשחוהו יהוידע ובניו ויאמרו יחי

המלך:

¹² ותשמע עתליהו את קול העם הרצים והמהללים את המלך ותבוא אל העם בית יהוה
¹³ ותרא והנה המלך עומד על עמודו במבוא והשרים והחצצרות על המלך וכל עם הארץ שמח
ותוקע בחצצרות והמשוררים בכלי השיר ומודיעים להלל ותקרא עתליהו את בגדיה ותאמר קשר קשר
¹⁴ ויוצא יהוידע הכהן את שרי המאות פקודי החיל ויאמר אלהם הוציאוהו אל מבית השדרות והבא
אחריה יומת בחרב כי אמר הכהן לא תמיתוהו בית יהוה
¹⁵ וישימו לה ידים ותבוא אל מבוא שער הסוסים בית המלך וימיתוהו שם
¹⁶ ויכרת יהוידע ברית בינו ובין כל העם ובין המלך להיות לעם ליהוה
¹⁷ ויבאו כל העם בית הבעל ויתצוהו ואת מזבחתי ואת צלמי שברו ואת מתן כהן הבעל הרגו לפני
המזבחות
¹⁸ וישם יהוידע פקדת בית יהוה ביד הכהנים הלויים אשר חלק דויד על בית יהוה להעלות עלות יהוה
ככתוב בתורת משה בשמחה ובשיר על ידי דויד:
¹⁹ ויעמד השוערים על שערי בית יהוה ולא יבא טמא לכל דבר
²⁰ ויקח את שרי המאות ואת האדירים ואת המושלים בעם ואת כל עם הארץ ויורד את המלך מבית
יהוה ויבאו בתוך שער העליון בית המלך ויושיבו את המלך על כסא הממלכה
²¹ וישמחו כל עם הארץ והעיר שקטה ואת עתליהו המיתו בחרב

הפרק 24

בן שבע שנים יאש במלכו וארבעים שנה מלך בירושלם ושם אמו צביה מבאר שבע
² ויעש יואש הישר בעיני יהוה כל ימי יהוידע הכהן
³ וישא לו יהוידע נשים שנים ויולד בנים ובנות
⁴ ויהי אחריכן היה עם לב יואש לחדש את בית יהוה
⁵ ויקבץ את הכהנים והלויים ויאמר להם צאו לערי יהודה וקבצו מכל ישראל כסף לחזק את בית
אלהיכם מדי שנה בשנה ואתם תמהרו לדבר ולא מהרו הלויים
⁶ ויקרא המלך ליהוידע הראש ויאמר לו מדוע לא דרשת על הלויים להביא מיהודה ומירושלם את
משאת משה עבד יהוה והקהל לישראל לאהל העדות
⁷ כי עתליהו המרשעת בניה פרצו את בית האלהים וגם כל קדשי בית יהוה עשו לבעלים
⁸ ויאמר המלך ויעשו ארון אחד ויתנהו בשער בית יהוה חוצה
⁹ ויתנו קול ביהודה ובירושלם להביא ליהוה משאת משה עבד האלהים על ישראל במדבר
¹⁰ וישמחו כל השרים וכל העם ויביאו וישליכו לארון עד לכלה
¹¹ ויהי בעת יביא את הארון אל פקדת המלך ביד הלויים וכראותם כי רב הכסף ובא סופר המלך
ופקיד כהן הראש ויערו את הארון וישארו וישיבוהו אל מקומו כה עשו ליום ביום ויאספו כסף לרב
¹² ויתנהו המלך ויהוידע אל עושה מלאכת עבודת בית יהוה ויהיו שכרים חצבים וחרשים לחדש בית
יהוה וגם לחרשי ברזל ונחשת לחזק את בית יהוה
¹³ ויעשו עשי המלאכה ותעל ארוכה למלאכה בידם ויעמידו את בית האלהים על מתכנתו ויאמצוהו
¹⁴ וככלותם הביאו לפני המלך ויהוידע את שאר הכסף ויעשהו כלים לבית יהוה כלי שרת והעלות
וכפות וכלי זהב וכסף ויהיו מעלים עלות בבית יהוה תמיד כל ימי יהוידע
¹⁵ ויזקן יהוידע וישבע ימים וימת בן מאה ושלושים שנה במותו
¹⁶ ויקברוהו בעיר דויד עם המלכים כי עשה טובה בישראל ועם האלהים וביתו
¹⁷ ואחרי מות יהוידע באו שרי יהודה וישתחוו למלך אז שמע המלך אליהם
¹⁸ ויעזבו את בית יהוה אלהי אבותיהם ויעבדו את האשרים ואת העצבים ויהי קצף על יהודה וירושלם
באשמתם זאת
¹⁹ וישלח בהם נבאים להשיבם אל יהוה ויעידו בהם ולא האזינו
²⁰ ורוח אלהים לבשה את זכריה בן יהוידע הכהן ויעמד מעל לעם ויאמר להם כה אמר האלהים למה

אתם עברים את מצות יהוה ולא תצליחו כי עזבתם את יהוה ויעזב אתכם
²¹ויקשרו עליו וירגמהו אבן במצות המלך בחצר בית יהוה
²²ולא זכר יואש המלך החסד אשר עשה יהוידע אביו עמו ויהרג את בנו וכמותו אמר ירא יהוה וידרש
²³ויהי לתקופת השנה עלה עליו חיל ארם ויבאו אל יהודה וירושלם וישחיתו את כל שרי העם מעם
וכל שללם שלחו למלך דרמשק
²⁴כי במצער אנשים באו חיל ארם ויהוה נתן בידם חיל לרב מאד כי עזבו את יהוה אלהי אבותיהם
ואת יואש עשו שפטים
²⁵ובלכתם ממנו כי עזבו אתו במחליים רבים התקשרו עליו עבדיו בדמי בני יהוידע הכהן ויהרגהו על
מטתו וימת ויקברוהו בעיר דויד ולא קברוהו בקברות המלכים
²⁶ואלה המתקשרים עליו זבד בן שמעת העמונית ויהוזבד בן שמרית המואבית
²⁷ובניו ורב המשא עליו ויסוד בית האלהים הנם כתובים על מדרש ספר המלכים וימלך אמציהו בנו
תחתיו

הפרק 25

בן עשרים וחמש שנה מלך אמציהו ועשרים ותשע שנה מלך בירושלם ושם אמו יהועדן מירושלים
²ויעש הישר בעיני יהוה רק לא בלבב שלם
³ויהי כאשר חזקה הממלכה עליו ויהרג את עבדיו המכים את המלך אביו
⁴ואת בניהם לא המית כי ככתוב בתורה בספר משה אשר צוה יהוה לאמר לא ימותו אבות על בנים
ובנים לא ימותו על אבות כי איש בחטאו ימותו
⁵ויקבץ אמציהו את יהודה ויעמידם לבית אבות לשרי האלפים ולשרי המאות לכל יהודה ובנימן
ויפקדם למבן עשרים שנה ומעלה וימצאם שלש מאות אלף בחור יוצא צבא אחז רמח וצנה
⁶וישכר מישראל מאה אלף גבור חיל במאה ככר כסף
⁷ואיש האלהים בא אליו לאמר המלך אל יבא עמך צבא ישראל כי אין יהוה עם ישראל כל בני
אפרים
⁸כי אם בא אתה עשה חזק למלחמה יכשילך האלהים לפני אויב כי יש כח באלהים לעזור ולהכשיל
⁹ויאמר אמציהו לאיש האלהים ומה לעשות למאת הככר אשר נתתי לגדוד ישראל ויאמר איש
האלהים יש ליהוה לתת לך הרבה מזה
¹⁰ויבדילים אמציהו להגדוד אשר בא אליו מאפרים ללכת למקומם ויחר אפם מאד ביהודה וישבו
למקומם בחרי אף
¹¹ואמציהו התחזק וינהג את עמו וילך גיא המלח ויך את בני שעיר עשרת אלפים
¹²ועשרת אלפים חיים שבו בני יהודה ויביאום לראש הסלע וישליכום מראש הסלע וכלם נבקעו
¹³ובני הגדוד אשר השיב אמציהו מלכת עמו למלחמה ויפשטו בערי יהודה משמרן ועד בית חורון
ויכו מהם שלשת אלפים ויבזו בזה רבה
¹⁴ויהי אחרי בוא אמציהו מהכות את אדומים ויבא את אלהי בני שעיר ויעמידם לו לאלהים ולפניהם
ישתחוה ולהם יקטו
¹⁵ויחר אף יהוה באמציהו וישלח אליו נביא ויאמר לו למה דרשת את אלהי העם אשר לא הצילו את
עמם מידך
¹⁶ויהי בדברו אליו ויאמר לו הליועץ למלך נתנוך חדל לך למה יכון ויחדל הנביא ויאמר ידעתי כי יעץ
אלהים להשחיתך כי עשית זאת ולא שמעת לעצת:
¹⁷ויועץ אמציהו מלך יהודה וישלח אל יואש בן יהואחז בן יהוא מלך ישראל לאמר לך נתראה פנים
¹⁸וישלח יואש מלך ישראל אל אמציהו מלך יהודה לאמר החוח אשר בלבנון שלח אל הארז אשר
בלבנון לאמר תנה את בתך לבני לאשה ותעבר חית השדה אשר בלבנון ותרמס את החוח
¹⁹אמרת הנה הכית את אדום ונשאך לבך להכביד עתה שבה בביתך למה תתגרה ברעה ונפלת
אתה ויהודה עמך

²⁰ ולא שמע אמציהו כי מהאלהים היא למען תתם ביד כי דרשו את אלהי אדום
²¹ ויעל יואש מלך ישראל ויתראו פנים הוא ואמציהו מלך יהודה בבית שמש אשר ליהודה
²² וינגף יהודה לפני ישראל וינסו איש לאהליו
²³ ואת אמציהו מלך יהודה בן יואש בן יהואחז תפש יואש מלך ישראל בבית שמש ויביאהו ירושלם
ויפרץ בחומת ירושלם משער אפרים עד שער הפונה ארבע מאות אמה
²⁴ וכל הזהב והכסף ואת כל הכלים הנמצאים בבית האלהים עם עבד אדום ואת אצרות בית המלך
ואת בני התערבות וישב שמרון
²⁵ ויחי אמציהו בן יואש מלך יהודה אחרי מות יואש בן יהואחז מלך ישראל חמש עשרה שנה
²⁶ ויתר דברי אמציהו הראשנים והאחרונים הלא הנם כתובים על ספר מלכי יהודה וישראל
²⁷ ומעת אשר סר אמציהו מאחרי יהוה ויקשרו עליו קשר בירושלם וינס לכישה וישלחו אחריו לכישה
וימיתו שם
²⁸ וישארו על הסוסים ויקברו אתו עם אבתיו בעיר יהודה

הפרק 26

יקחו כל עם יהודה את עזיהו והוא בן שש עשרה שנה וימליכו אתו תחת אביו אמציהו
² הוא בנה את אילות וישיבה ליהודה אחרי שכב המלך עם אבתיו
³ בן שש עשרה שנה עזיהו במלכו וחמשים ושתים שנה מלך בירושלם ושם אמו יכיליה מן ירושלם
⁴ ויעש הישר בעיני יהוה ככל אשר עשה אמציהו אביו
⁵ ויהי לדרש אלהים בימי זכריהו המבין בראת האלהים ובימי דרשו את יהוה הצליחו האלהים
⁶ ויצא וילחם בפלשתים ויפרץ את חומת גת ואת חומת יבנה ואת חומת אשדוד ויבנה ערים באשדוד
ובפלשתים
⁷ ויעזרוהו האלהים על פלשתים ועל הערביים הישבים בגור בעל והמעונים
⁸ ויתנו העמונים מנחה לעזיהו וילך שמו עד לבוא מצרים כי החזיק עד למעלה
⁹ ויבן עזיהו מגדלים בירושלם על שער הפנה ועל שער הגיא ועל המקצוע ויחזקם
¹⁰ ויבן מגדלים במדבר ויחצב ברות רבים כי מקנה רב היה לו ובשפלה ובמישור אכרים וכרמים
בהרים ובכרמל כי אהב אדמה היה
¹¹ ויהי לעזיהו חיל עשה מלחמה יוצאי צבא לגדוד במספר פקדתם ביד יעואל הסופר ומעשיו
השוטר על יד חנניהו משרי המלך
¹² כל מספר ראשי האבות לגבורי חיל אלפים ושש מאות
¹³ ועל ידם חיל צבא שלש מאות אלף ושבעת אלפים וחמש מאות עושי מלחמה בכח חיל לעזר
למלך על האויב
¹⁴ ויכן להם עזיהו לכל הצבא מגנים ורמחים וכובעים ושרינות וקשתות ולאבני קלעים
¹⁵ ויעש בירושלם חשבנות מחשבת חושב להיות על המגדלים ועל הפנות לירוא בחצים ובאבנים
גדלות ויצא שמו עד למרחוק כי הפליא להעזר עד כי חזק
¹⁶ וכחזקתו גבה לבו עד להשחית וימעל ביהוה אלהיו ויבא אל היכל יהוה להקטיר על מזבח הקטרת
¹⁷ ויבא אחריו עזריהו הכהן ועמו כהנים ליהוה שמונים בני חיל
¹⁸ ויעמדו על עזיהו המלך ויאמרו לו לא לך עזיהו להקטיר ליהוה כי לכהנים בני אהרן המקדשים
להקטיר צא מן המקדש כי מעלת ולא לך לכבוד מיהוה אלהים
¹⁹ ויזעף עזיהו ובידו מקטרת להקטיר ובזעפו עם הכהנים והצרעת זרחה במצחו לפני הכהנים בבית
יהוה מעל למזבח הקטרת
²⁰ ויפן אליו עזריהו כהן הראש וכל הכהנים והנה הוא מצרע במצחו ויבהלוהו משם וגם הוא נדחף
לצאת כי נגעו יהוה
²¹ ויהי עזיהו המלך מצרע עד יום מותו וישב בית החפשות מצרע כי נגזר מבית יהוה ויותם בנו על
בית המלך שופט את עם הארץ

²² ויתר דברי עזיהו הראשנים והאחרנים כתב ישעיהו בן אמוץ הנביא

²³ וישכב עזיהו עם אבתיו ויקברו אתו עם אבתיו בשדה הקבורה אשר למלכים כי אמרו מצורע הוא וימלך יותם בנו תחתיו

הפרק 27

בן עשרים וחמש שנה יותם במלכו ושש עשרה שנה מלך בירושלם ושם אמו ירושה בת צדוק ² ויעש הישר בעיני יהוה ככל אשר עשה עזיהו אביו רק לא בא אל היכל יהוה ועוד העם משחיתים ³ הוא בנה את שער בית יהוה העליון ובחומת העפל בנה לרב ⁴ וערים בנה בהר יהודה ובחרשים בנה בירניות ומגדלים ⁵ והוא נלחם עם מלך בני עמון ויחזק עליהם ויתנו לו בני עמון בשנה ההיא מאה ככר כסף ועשרת אלפים כרים חטים ושעורים עשרת אלפים זאת השיבו לו בני עמון ובשנה השנית והשלשית ⁶ ויתחזק יותם כי הכין דרכיו לפני יהוה אלהיו ⁷ ויתר דברי יותם וכל מלחמתיו ודרכיו הנם כתובים על ספר מלכי ישראל ויהודה ⁸ בן עשרים וחמש שנה היה במלכו ושש עשרה שנה מלך בירושלם ⁹ וישכב יותם עם אבתיו ויקברו אתו בעיר דוד וימלך אחז בנו תחתיו

הפרק 28

בן עשרים שנה אחז במלכו ושש עשרה שנה מלך בירושלם ולא עשה הישר בעיני יהוה כדוד אביו ² וילך בדרכי מלכי ישראל וגם מסכות עשה לבעלים ³ והוא הקטיר בגיא בן הנם ויבער את בניו באש כתעבות הגוים אשר הריש יהוה מפני בני ישראל ⁴ ויזבח ויקטר בבמות ועל הגבעות ותחת כל עץ רענן ⁵ ויתנהו יהוה אלהיו ביד מלך ארם ויכו בו וישבו ממנו שביה גדולה ויביאו דרמשק וגם ביד מלך ישראל נתן ויך בו מכה גדולה ⁶ ויהרג פקח בן רמליהו ביהודה מאה ועשרים אלף ביום אחד הכל בני חיל בעזבם את יהוה אלהי אבותם ⁷ ויהרג זכרי גבור אפרים את מעשיו בן המלך ואת עזריקם נגיד הבית ואת אלקנה משנה המלך ⁸ וישבו בני ישראל מאחיהם מאתים אלף נשים בנים ובנות וגם שלל רב בזזו מהם ויביאו את השלל לשמרון ⁹ ושם היה נביא ליהוה עדד שמו ויצא לפני הצבא הבא לשמרון ויאמר להם הנה בחמת יהוה אלהי אבותיכם על יהודה נתנם בידכם ותהרגו בם בזעף עד לשמים הגיע ¹⁰ ועתה בני יהודה וירושלם אתם אמרים לכבש לעבדים ולשפחות לכם הלא רק אתם עמכם אשמות ליהוה אלהיכם ¹¹ ועתה שמעוני והשיבו השביה אשר שביתם מאחיכם כי חרון אף יהוה עליכם ¹² ויקמו אנשים מראשי בני אפרים עזריהו בן יהוחנן ברכיהו בן משלמות ויחזקיהו בן שלם ועמשא בן חדלי על הבאים מן הצבא ¹³ ויאמרו להם לא תביאו את השביה הנה כי לאשמת יהוה עלינו אתם אמרים להסיף על חטאתינו ועל אשמתינו כי רבה אשמה לנו וחרון אף על ישראל ¹⁴ ויעזב החלוץ את השביה ואת הבזה לפני השרים וכל הקהל ¹⁵ ויקמו האנשים אשר נקבו בשמות ויחזיקו בשביה וכל מערמיהם הלבשו מן השלל וילבשו וינעלו ויאכלו וישקו ויסכּו וינהלו בחמרים לכל כושל ויביאום ירחו עיר התמרים אצל אחיהם וישבו שמרון ¹⁶ בעת ההיא שלח המלך אחז על מלכי אשור לעזר לו

¹⁷ועוד אדומים באו ויכו ביהודה וישבו שבי;
¹⁸ופלשתים פשטו בערי השפלה והנגב ליהודה וילכדו את בית שמש ואת אילון ואת הגדרות ואת שוכו ובנותיה ואת תמנה ובנותיה ואת גמזו ואת בנתיה וישבו שם
¹⁹כי הכניע יהוה את יהודה בעבור אחז מלך ישראל כי הפריע ביהודה ומעול מעל ביהוה
²⁰ויבא עליו תלגת פלנאסר מלך אשור ויצר לו ולא חזקו
²¹כי חלק אחז את בית יהוה ואת בית המלך והשרים ויתן למלך אשור ולא לעזרה לו
²²ובעת הצר לו ויוסף למעול ביהוה הוא המלך אחז
²³ויזבח לאלהי דרמשק המכים בו ויאמר כי אלהי מלכי ארם הם מעזרים אותם להם אזבח ויעזרוני והם היו לו להכשילו ולכל ישראל
²⁴ויאסף אחז את כלי בית האלהים ויקצץ את כלי בית האלהים ויסגר את דלתות בית יהוה ויעש לו מזבחות בכל פנה בירושלם
²⁵ובכל עיר ועיר ליהודה עשה במות לקטר לאלהים אחרים ויכעס את יהוה אלהי אבתיו
²⁶ויתר דבריו וכל דרכיו הראשנים והאחרונים הנם כתובים על ספר מלכי יהודה וישראל
²⁷וישכב אחז עם אבתיו ויקברוהו בעיר בירושלם כי לא הביאיו לקברי מלכי ישראל וימלך יחזקיהו בנו תחתיו

הפרק 29

¹חזקיהו מלך בן עשרים וחמש שנה ועשרים ותשע שנה מלך בירושלם ושם אמו אביה בת זכריהו
²ויעש הישר בעיני יהוה ככל אשר עשה דויד אביו
³הוא בשנה הראשונה למלכו בחדש הראשון פתח את דלתות בית יהוה ויחזקם
⁴ויבא את הכהנים ואת הלויים ויאספם לרחוב המזרח
⁵ויאמר להם שמעוני הלויים עתה התקדשו וקדשו את בית יהוה אלהי אבתיכם והוציאו את הנדה מן הקדש
⁶כי מעלו אבתינו ועשו הרע בעיני יהוה אלהינו ויעזבוהו ויסבו פניהם ממשכן יהוה ויתנו ערף
⁷גם סגרו דלתות האולם ויכבו את הנרות וקטרת לא הקטירו ועלה לא העלו בקדש לאלהי ישראל
⁸ויהי קצף יהוה על יהודה וירושלם ויתנם לזועה לשמה ולשרקה כאשר אתם ראים בעיניכם
⁹והנה נפלו אבותינו בחרב ובנינו ובנותינו ונשינו בשבי על זאת
¹⁰עתה עם לבבי לכרות ברית ליהוה אלהי ישראל וישב ממנו חרון אפו
¹¹בני עתה אל תשלו כי בכם בחר יהוה לעמד לפניו לשרתו ולהיות לו משרתים ומקטרים
¹²ויקמו הלויים מחת בן עמשי ויואל בן עזריהו מן בני הקהתי ומן בני מררי קיש בן עבדי ועזריהו בן יהללאל ומן הגרשני יואח בן זמה ועדן בן יואח
¹³ומן בני אליצפן שמרי ויעואל ומן בני אסף זכריהו ומתניהו
¹⁴ומן בני הימן יחואל ושמעי ומן בני ידותון שמעיה ועזיאל
¹⁵ויאספו את אחיהם ויתקדשו ויבאו כמצות המלך בדברי יהוה לטהר בית יהוה
¹⁶ויבאו הכהנים לפנימה בית יהוה לטהר ויוציאו את כל הטמאה אשר מצאו בהיכל יהוה לחצר בית יהוה ויקבלו הלויים להוציא לנחל קדרון חוצה
¹⁷ויחלו באחד לחדש הראשון לקדש וביום שמונה לחדש באו לאולם יהוה ויקדשו את בית יהוה לימים שמונה וביום ששה עשר לחדש הראשון כלו
¹⁸ויבואו פנימה אל חזקיהו המלך ויאמרו טהרנו את כל בית יהוה את מזבח העולה ואת כל כליו ואת שלחן המערכת ואת כל כליו
¹⁹ואת כל הכלים אשר הזניח המלך אחז במלכותו במעלו הכנו והקדשנו והנם לפני מזבח יהוה
²⁰וישכם יחזקיהו המלך ויאסף את שרי העיר ויעל בית יהוה
²¹ויביאו פרים שבעה ואילים שבעה וכבשים שבעה וצפירי עזים שבעה לחטאת על הממלכה ועל

המקדש ועל יהודה ויאמר לבני אהרן הכהנים להעלות על מזבח יהוה²² וישחטו הבקר ויקבלו הכהנים את הדם ויזרקו המזבחה וישחטו האלים ויזרקו הדם המזבחה וישחטו הכבשים ויזרקו הדם המזבחה²³ ויגישו את שעירי החטאת לפני המלך והקהל ויסמכו ידיהם עליהם²⁴ וישחטום הכהנים ויחטאו את דמם המזבחה לכפר על כל ישראל כי לכל ישראל אמר המלך העולה והחטאת²⁵ ויעמד את הלויים בית יהוה במצלותם בנבלים ובכנורות במצות דויד וגד חזה המלך ונתן הנביא כי ביד יהוה המצוה ביד נביאיו²⁶ ויעמדו הלויים בכלי דויד והכהנים בחצצרות²⁷ ויאמר חזקיהו להעלות העלה להמזבח ובעת החל העולה החל שיר יהוה והחצצרות ועל ידי כלי דויד מלך ישראל²⁸ וכל הקהל משתחווים והשיר משורר והחצצרות מחצצרים הכל עד לכלות העלה²⁹ וככלות להעלות כרעו המלך וכל הנמצאים אתו וישתחוו³⁰ ויאמר יחזקיהו המלך והשרים ללויים להלל ליהוה בדברי דויד ואסף החזה ויהללו עד לשמחה ויקדו וישתחוו³¹ ויען יחזקיהו ויאמר עתה מלאתם ידכם ליהוה גשו והביאו זבחים ותודות לבית יהוה ויביאו הקהל זבחים ותודות וכל נדיב לב עלות³² ויהי מספר העלה אשר הביאו הקהל בקר שבעים אילים מאה כבשים מאתים לעלה ליהוה כל אלה³³ והקדשים בקר שש מאות וצאן שלשת אלפים³⁴ רק הכהנים היו למעט ולא יכלו להפשיט את כל העלות ויחזקום אחיהם הלויים עד כלות המלאכה ועד יתקדשו הכהנים כי הלויים ישרי לבב להתקדש מהכהנים³⁵ וגם עלה לרב בחלבי השלמים ובנסכים לעלה ותכון עבודת בית יהוה³⁶ וישמח יחזקיהו וכל העם על ההכין האלהים לעם כי בפתאם היה הדבר

הפרק 30

ישלח יחזקיהו על כל ישראל ויהודה וגם אגרות כתב על אפרים ומנשה לבוא לבית יהוה בירושלם לעשות פסח ליהוה אלהי ישראל² ויועץ המלך ושריו וכל הקהל בירושלם לעשות הפסח בחדש השני³ כי לא יכלו לעשותו בעת ההיא כי הכהנים לא התקדשו למדי והעם לא נאספו לירושלם⁴ ויישר הדבר בעיני המלך ובעיני כל הקהל⁵ ויעמידו דבר להעביר קול בכל ישראל מבאר שבע ועד דן לבוא לעשות פסח ליהוה אלהי ישראל בירושלם כי לא לרב עשו ככתוב⁶ וילכו הרצים באגרות מיד המלך ושריו בכל ישראל ויהודה וכמצות המלך לאמר בני ישראל שובו אל יהוה אלהי אברהם יצחק וישראל וישב אל הפליטה הנשאת לכם מכף מלכי אשור⁷ ואל תהיו כאבותיכם וכאחיכם אשר מעלו ביהוה אלהי אבותיהם ויתנם לשמה כאשר אתם ראים⁸ עתה אל תקשו ערפכם כאבותיכם תנו יד ליהוה ובאו למקדשו אשר הקדיש לעולם ועבדו את יהוה אלהיכם וישב מכם חרון אפו⁹ כי בשובכם על יהוה אחיכם ובניכם לרחמים לפני שוביהם ולשוב לארץ הזאת כי חנון ורחום יהוה אלהיכם ולא יסיר פנים מכם אם תשובו אליו¹⁰ ויהיו הרצים עברים מעיר לעיר בארץ אפרים ומנשה ועד זבלון ויהיו משחיקים עליהם ומלעגים בהם¹¹ אך אנשים מאשר ומנשה ומזבלון נכנעו ויבאו לירושלם¹² גם ביהודה היתה יד האלהים לתת להם לב אחד לעשות מצות המלך והשרים בדבר יהוה¹³ ויאספו ירושלם עם רב לעשות את חג המצות בחדש השני קהל לרב מאד

¹⁴ ויקמו ויסירו את המזבחות אשר בירושלם ואת כל המקטורות הסירו וישליכו לנחל קדרון

¹⁵ וישחטו הפסח בארבעה עשר לחדש השני והכהנים והלויים נכלמו ויתקדשו ויביאו עלות בית יהוה

¹⁶ ויעמדו על עמדם כמשפטם כתורת משה איש האלהים הכהנים זרקים את הדם מיד הלויים

¹⁷ כי רבת בקהל אשר לא התקדשו והלויים על שחיטת הפסחים לכל לא טהור להקדיש ליהוה

¹⁸ כי מרבית העם רבת מאפרים ומנשה יששכר וזבלון לא הטהרו כי אכלו את הפסח בלא ככתוב כי התפלל יחזקיהו עליהם לאמר יהוה הטוב יכפר בעד:

¹⁹ כל לבבו הכין לדרוש האלהים יהוה אלהי אבותיו ולא כטהרת הקדש

²⁰ וישמע יהוה אל יחזקיהו וירפא את העם

²¹ ויעשו בני ישראל הנמצאים בירושלם את חג המצות שבעת ימים בשמחה גדולה ומהללים ליהוה יום ביום הלויים והכהנים בכלי עז ליהוה

²² וידבר יחזקיהו על לב כל הלויים המשכילים שכל טוב ליהוה ויאכלו את המועד שבעת הימים מזבחים זבחי שלמים ומתודים ליהוה אלהי אבותיהם

²³ ויועצו כל הקהל לעשות שבעת ימים אחרים ויעשו שבעת ימים שמחה

²⁴ כי חזקיהו מלך יהודה הרים לקהל אלף פרים ושבעת אלפים צאן והשרים הרימו לקהל פרים אלף וצאן עשרת אלפים ויתקדשו כהנים לרב

²⁵ וישמחו כל קהל יהודה והכהנים והלויים וכל הקהל הבאים מישראל והגרים הבאים מארץ ישראל והיושבים ביהודה

²⁶ ותהי שמחה גדולה בירושלם כי מימי שלמה בן דויד מלך ישראל לא כזאת בירושלם

²⁷ ויקמו הכהנים הלויים ויברכו את העם וישמע בקולם ותבוא תפלתם למעון קדשו לשמים

הפרק 31

כללות כל זאת יצאו כל ישראל הנמצאים לערי יהודה וישברו המצבות ויגדעו האשרים וינתצו את הבמות ואת המזבחת מכל יהודה ובנימין ובאפרים ומנשה עד לכלה וישוּבו כל בני ישראל איש לאחזתו לעריהם

² ויעמד יחזקיהו את מחלקות הכהנים והלויים על מחלקותם איש כפי עבדתו לכהנים וללויים לעלה ולשלמים לשרת ולהדות ולהלל בשערי מחנות יהוה

³ ומנת המלך מן רכושו לעלות לעלות הבקר והערב והעלות לשבתות ולחדשים ולמעדים ככתוב בתורת יהוה

⁴ ויאמר לעם ליושבי ירושלם לתת מנת הכהנים והלויים למען יחזקו בתורת יהוה

⁵ וכפרץ הדבר הרבו בני ישראל ראשית דגן תירוש ויצהר ודבש וכל תבואת שדה ומעשר הכל לרב הביאו

⁶ ובני ישראל ויהודה היושבים בערי יהודה גם הם מעשר בקר וצאן ומעשר קדשים המקדשים ליהוה אלהיהם הביאו ויתנו ערמות ערמות

⁷ בחדש השלשי החלו הערמות ליסוד ובחדש השביעי כלו

⁸ ויבאו יחזקיהו והשרים ויראו את הערמות ויברכו את יהוה ואת עמו ישראל

⁹ וידרש יחזקיהו על הכהנים והלויים על הערמות

¹⁰ ויאמר אליו עזריהו הכהן הראש לבית צדוק ויאמר מהחל התרומה לביא בית יהוה אכול ושבע והותר עד לרוב כי יהוה ברך את עמו והנותר את ההמון הזה

¹¹ ויאמר יחזקיהו להכין לשכות בבית יהוה ויכינו

¹² ויביאו את התרומה והמעשר והקדשים באמונה ועליהם נגיד כונניהו הלוי ושמעי אחיהו משנה

¹³ ויחיל ועזיהו ונחת ועשהאל וירימות ויוזבד ואליאל ויסמכיהו ומחת ובניהו פקידים מיד כונניהו ושמעי אחיו במפקד יחזקיהו המלך ועזריהו נגיד בית האלהים

¹⁴ וקורא בן ימנה הלוי השוער למזרחה על נדבות האלהים לתת תרומת יהוה וקדשי הקדשים

¹⁵ ועל ידו עדן ומנימן וישוע ושמעיהו אמריהו ושכניהו בערי הכהנים באמונה לתת לאחיהם

במחלקות כגדול כקטן

¹⁶ מלבד התיחשם לזכרים מבן שלוש שנים ולמעלה לכל הבא לבית יהוה לדבר יום ביומו לעבודתם במשמרותם כמחלקותיהם

¹⁷ ואת התיחש הכהנים לבית אבותיהם והלויים מבן עשרים שנה ולמעלה במשמרותיהם במחלקותיהם

¹⁸ ולהתיחש בכל טפם נשיהם ובניהם ובנותיהם לכל קהל כי באמונתם יתקדשו קדש

¹⁹ ולבני אהרן הכהנים בשדי מגרש עריהם בכל עיר ועיר אנשים אשר נקבו בשמות לתת מנות לכל זכר בכהנים ולכל התיחש בלויים

²⁰ ויעש כזאת יחזקיהו בכל יהודה ויעש הטוב והישר והאמת לפני יהוה אלהיו

²¹ ובכל מעשה אשר החל בעבודת בית האלהים ובתורה ובמצוה לדרש לאלהיו בכל לבבו עשה והצליח

הפרק 32

א חרי הדברים והאמת האלה בא סנחריב מלך אשור ויבא ביהודה ויחן על הערים הבצורות ויאמר לבקעם אליו

² וירא יחזקיהו כי בא סנחריב ופניו למלחמה על ירושלם

³ ויועץ עם שריו וגבריו לסתום את מימי העינות אשר מחוץ לעיר ויעזרוהו

⁴ ויקבצו עם רב ויסתמו את כל המעינות ואת הנחל השוטף בתוך הארץ לאמר למה יבואו מלכי אשור ומצאו מים רבים

⁵ ויתחזק ויבן את כל החומה הפרוצה ויעל על המגדלות ולחוצה החומה אחרת ויחזק את המלוא עיר דויד ויעש שלח לרב ומגנים

⁶ ויתן שרי מלחמות על העם ויקבצם אליו אל רחוב שער העיר וידבר על לבבם לאמה

⁷ חזקו ואמצו אל תיראו ואל תחתו מפני מלך אשור ומלפני כל ההמון אשר עמו כי עמנו רב מעמו

⁸ עמו זרוע בשר ועמנו יהוה אלהינו לעזרנו ולהלחם מלחמתנו ויסמכו העם על דברי יחזקיהו מלך יהודה

⁹ אחר זה שלח סנחריב מלך אשור עבדיו ירושלימה והוא על לכיש וכל ממשלתו עמו על יחזקיהו מלך יהודה ועל כל יהודה אשר בירושלם לאמה

¹⁰ כה אמר סנחריב מלך אשור על מה אתם בטחים וישבים במצור בירושלם

¹¹ הלא יחזקיהו מסית אתכם לתת אתכם למות ברעב ובצמא לאמר יהוה אלהינו יצילנו מכף מלך אשור

¹² הלא הוא יחזקיהו הסיר את במתיו ואת מזבחתי ויאמר ליהודה ולירושלם לאמר לפני מזבח אחד תשתחוו ועליו תקטירו

¹³ הלא תדעו מה עשיתי אני ואבותי לכל עמי הארצות היכול יכלו אלהי גוי הארצות להציל את ארצם מיד!

¹⁴ מי בכל אלהי הגוים האלה אשר החרימו אבותי אשר יכול להציל את עמו מידי כי יוכל אלהיכם להציל אתכם מיד!

¹⁵ ועתה אל ישיא אתכם חזקיהו ואל יסית אתכם כזאת ואל תאמינו לו כי לא יוכל כל אלוה כל גוי וממלכה להציל עמו מידי ומיד אבותי אף כי אלהיכם לא יצילו אתכם מיד!

¹⁶ ועוד דברו עבדיו על יהוה האלהים ועל יחזקיהו עבדו

¹⁷ וספרים כתב לחרף ליהוה אלהי ישראל ולאמר עליו לאמר כאלהי גוי הארצות אשר לא הצילו עמם מידי כן לא יציל אלהי יחזקיהו עמו מיד!

¹⁸ ויקראו בקול גדול יהודית על עם ירושלם אשר על החומה ליראם ולבהלם למען ילכדו את העיר

¹⁹ וידברו אל אלהי ירושלם כעל אלהי עמי הארץ מעשה ידי האדם

²⁰ ויתפלל יחזקיהו המלך וישעיהו בן אמוץ הנביא על זאת ויצעקו השמים

²¹וישלח יהוה מלאך ויכחד כל גבור חיל ונגיד ושר במחנה מלך אשור וישב בבשת פנים לארצו ויבא בית אלהיו ומיצאו מעיו שם הפילוהו בחרב

²²ויושע יהוה את יחזקיהו ואת ישבי ירושלם מיד סנחריב מלך אשור ומיד כל וינהלם מסביב

²³ורבים מביאים מנחה ליהוה לירושלם ומגדנות ליחזקיהו מלך יהודה וינשא לעיני כל הגוים מאחרי כן

²⁴בימים ההם חלה יחזקיהו עד למות ויתפלל אל יהוה ויאמר לו ומופת נתן לו

²⁵ולא כגמל עליו השיב יחזקיהו כי גבה לבו ויהי עליו קצף ועל יהודה וירושלם

²⁶ויכנע יחזקיהו בגבה לבו הוא וישבי ירושלם ולא בא עליהם קצף יהוה בימי יחזקיהו

²⁷ויהי ליחזקיהו עשר וכבוד הרבה מאד ואצרות עשה לו לכסף ולזהב ולאבן יקרה ולבשמים ולמגנים ולכל כלי חמדה

²⁸ומסכנות לתבואת דגן ותירוש ויצהר וארות לכל בהמה ובהמה ועדרים לאורות

²⁹וערים עשה לו ומקנה צאן ובקר לרב כי נתן לו אלהים רכוש רב מאד

³⁰והוא יחזקיהו סתם את מוצא מימי גיחון העליון ויישרם למטה מערבה לעיר דויד ויצלח יחזקיהו בכל מעשהו

³¹וכן במליצי שרי בבל המשלחים עליו לדרש המופת אשר היה בארץ עזבו האלהים לנסותו לדעת כל בלבבו

³²ויתר דברי יחזקיהו וחסדיו הנם כתובים בחזון ישעיהו בן אמוץ הנביא על ספר מלכי יהודה וישראל

³³וישכב יחזקיהו עם אבתיו ויקברוהו במעלה קברי בני דויד וכבוד עשו לו במותו כל יהודה וישבי ירושלם וימלך מנשה בנו תחתיו

הפרק 33

בן שנים עשרה שנה מנשה במלכו וחמשים וחמש שנה מלך בירושלם

²ויעש הרע בעיני יהוה כתועבות הגוים אשר הוריש יהוה מפני בני ישראל

³וישב ויבן את הבמות אשר נתן יחזקיהו אביו ויקם מזבחות לבעלים ויעש אשורות וישתחו לכל צבא השמים ויעבד אתם

⁴ובנה מזבחות בבית יהוה אשר אמר יהוה בירושלם יהיה שמי לעולם

⁵ויבן מזבחות לכל צבא השמים בשתי חצרות בית יהוה

⁶והוא העביר את בניו באש בגי בן הנם ועון נחש וכשף ועשה אוב וידעוני הרבה לעשות הרע בעיני יהוה להכעיסו

⁷וישם את פסל הסמל אשר עשה בבית האלהים אשר אמר אלהים אל דויד ואל שלמה בנו בבית הזה ובירושלם אשר בחרתי מכל שבטי ישראל אשים את שמי לעילום

⁸ולא אוסיף להסיר את רגל ישראל מעל האדמה אשר העמדתי לאבותיכם רק אם ישמרו לעשות את כל אשר צויתים לכל התורה והחקים והמשפטים ביד משה

⁹ויתע מנשה את יהודה וישבי ירושלם לעשות רע מן הגוים אשר השמיד יהוה מפני בני ישראל

¹⁰וידבר יהוה אל מנשה ואל עמו ולא הקשיבו

¹¹ויבא יהוה עליהם את שרי הצבא אשר למלך אשור וילכדו את מנשה בחחים ויאסרוהו בנחשתים ויוליכוהו בבבל

¹²וכהצר לו חלה את פני יהוה אלהיו ויכנע מאד מלפני אלהי אבתיו

¹³ויתפלל אליו ויעתר לו וישמע תחנונו וישיבהו ירושלם למלכותו וידע מנשה כי יהוה הוא האלהים

¹⁴ואחרי כן בנה חומה חיצונה לעיר דויד מערבה לגיחון בנחל ולבוא בשער הדגים וסבב לעפל וגיביה מאד וישם שרי חיל בכל הערים הבצרות ביהודה

¹⁵ויסר את אלהי הנכר ואת הסמל מבית יהוה וכל המזבחות אשר בנה בהר בית יהוה ובירושלם וישלך חוצה לעיר

¹⁶ויכן את מזבח יהוה ויזבח עליו זבחי שלמים ותודה ויאמר ליהודה לעבוד את יהוה אלהי ישראל

¹⁷ אבל עוד העם זבחים בבמות רק ליהוה אלהיהם
¹⁸ ויתר דברי מנשה ותפלתו אל אלהיו ודברי החזים המדברים אליו בשם יהוה אלהי ישראל הנם על דברי מלכי ישראל
¹⁹ ותפלתו והעתר לו וכל חטאתו ומעלו והמקמות אשר בנה בהם במות והעמיד האשרים והפסלים לפני הכנעו הנם כתובים על דברי חוזה
²⁰ וישכב מנשה עם אבתיו ויקברוהו ביתו וימלך אמון בנו תחתיו
²¹ בן עשרים ושנים שנה אמון במלכו ושנים שנים מלך בירושלם
²² ויעש הרע בעיני יהוה כאשר עשה מנשה אביו ולכל הפסילים אשר עשה מנשה אביו זבח אמון ויעבדם
²³ ולא נכנע מלפני יהוה כהכנע מנשה אביו כי הוא אמון הרבה אשמה
²⁴ ויקשרו עליו עבדיו וימיתוהו בביתו
²⁵ ויכו עם הארץ את כל הקשרים על המלך אמון וימליכו עם הארץ את יאשיהו בנו תחתיו

הפרק 34

בן שמונה שנים יאשיהו במלכו ושלושים ואחת שנה מלך בירושלם
² ויעש הישר בעיני יהוה וילך בדרכי דוד אביו ולא סר ימין ושמאול
³ ובשמונה שנים למלכו והוא עודנו נער החל לדרוש לאלהי דוד אביו ובשנים עשרה שנה החל לטהר את יהודה וירושלם מן הבמות והאשרים והפסלים והמסכות
⁴ וינתצו לפניו את מזבחות הבעלים והחמנים אשר למעלה מעליהם גדע והאשרים והפסלים והמסכות שבר והדק ויזרק על פני הקברים הזבחים להם
⁵ ועצמות כהנים שרף על מזבחותים ויטהר את יהודה ואת ירושלם
⁶ ובערי מנשה ואפרים ושמעון ועד נפתלי בהר בתייהם סביב
⁷ וינתץ את המזבחות ואת האשרים והפסלים כתת להדק וכל החמנים גדע בכל ארץ ישראל וישב לירושלם
⁸ ובשנת שמונה עשרה למלכו לטהר הארץ והבית שלח את שפן בן אצליהו ואת מעשיהו שר העיר ואת יואח בן יואחז המזכיר לחזק את בית יהוה אלהיו
⁹ ויבאו אל חלקיהו הכהן הגדול ויתנו את הכסף המובא בית אלהים אשר אספו הלויים שמרי הסף מיד מנשה ואפרים ומכל שארית ישראל ומכל יהודה ובנימן וישבי ירושלם
¹⁰ ויתנו על יד עשה המלאכה המפקדים בבית יהוה ויתנו אתו עושי המלאכה אשר עשים בבית יהוה לבדוק ולחזק הבית
¹¹ ויתנו לחרשים ולבנים לקנות אבני מחצב ועצים למחברות ולקרות את הבתים אשר השחיתו מלכי יהודה
¹² והאנשים עשים באמונה במלאכה ועליהם מפקדים יחת ועבדיהו הלויים מן בני מררי וזכריה ומשלם מן בני הקהתים לנצח והלויים כל מבין בכלי שיה
¹³ ועל הסבלים ומנצחים לכל עשה מלאכה לעבודה ועבודה ומהלויים סופרים ושטרים ושוערים
¹⁴ ובהוציאם את הכסף המובא בית יהוה מצא חלקיהו הכהן את ספר תורת יהוה ביד משה
¹⁵ ויען חלקיהו ויאמר אל שפן הסופר ספר התורה מצאתי בבית יהוה ויתן חלקיהו את הספר אל שפן
¹⁶ ויבא שפן את הספר אל המלך וישב עוד את המלך דבר לאמר כל אשר נתן ביד עבדיך הם עשים
¹⁷ וייתיכו את הכסף הנמצא בבית יהוה ויתנוהו על יד המפקדים ועל יד עושי המלאכה
¹⁸ ויגד שפן הסופר למלך לאמר ספר נתן לי חלקיהו הכהן ויקרא בו שפן לפני המלך
¹⁹ ויהי כשמע המלך את דברי התורה ויקרע את בגדיו
²⁰ ויצו המלך את חלקיהו ואת אחיקם בן שפן ואת עבדו בן מיכה ואת שפן הסופר ואת עשיה עבד המלך לאמה
²¹ לכו דרשו את יהוה בעדי ובעד הנשאר בישראל וביהודה על דברי הספר אשר נמצא כי גדולה

חמת יהוה אשר נתכה בנו על אשר לא שמרו אבותינו את דבר יהוה לעשות ככל הכתוב על הספר הזה

²² וילך חלקיהו ואשר המלך אל חלדה הנביאה אשת שלם בן תוקהת בן חסרה שומר הבגדים והיא יושבת בירושלם במשנה וידברו אליה כזאת

²³ ותאמר להם כה אמר יהוה אלהי ישראל אמרו לאיש אשר שלח אתכם אלי:

²⁴ כה אמר יהוה הנני מביא רעה על המקום הזה ועל יושביו את כל האלות הכתובות על הספר אשר קראו לפני מלך יהודה

²⁵ תחת אשר עזבוני ויקטירו לאלהים אחרים למען הכעיסני בכל מעשי ידיהם ותתך חמתי במקום הזה ולא תכבה

²⁶ ואל מלך יהודה השלח אתכם לדרוש ביהוה כה תאמרו אליו כה אמר יהוה אלהי ישראל הדברים אשר שמעת

²⁷ יען רך לבבך ותכנע מלפני אלהים בשמעך את דבריו על המקום הזה ועל יושביו ותכנע לפני ותקרע את בגדיך ותבך לפני וגם אני שמעתי נאם יהוה

²⁸ הנני אספך אל אבתיך ונאספת אל קברתיך בשלום ולא תראינה עיניך בכל הרעה אשר אני מביא על המקום הזה ועל יושביו וישיבו את המלך דבה

²⁹ וישלח המלך ויאסף את כל זקני יהודה וירושלם

³⁰ ויעל המלך בית יהוה וכל איש יהודה וישבי ירושלם והכהנים והלויים וכל העם מגדול ועד קטן ויקרא באזניהם את כל דברי ספר הברית הנמצא בית יהוה

³¹ ויעמד המלך על עמדו ויכרת את הברית לפני יהוה ללכת אחרי יהוה ולשמור את מצותיו ועדותיו וחקיו בכל לבבו ובכל נפשו לעשות את דברי הברית הכתובים על הספר הזה

³² ויעמד את כל הנמצא בירושלם ובנימן ויעשו יושבי ירושלם כברית אלהים אבותיהם

³³ ויסר יאשיהו את כל התועבות מכל הארצות אשר לבני ישראל ויעבד את כל הנמצא בישראל לעבוד את יהוה אלהיהם כל ימיו לא סרו מאחרי יהוה אלהי אבותיהם

הפרק 35

יעש יאשיהו בירושלם פסח ליהוה וישחטו הפסח בארבעה עשר לחדש הראשון

² ויעמד הכהנים על משמרותם ויחזקם לעבודת בית יהוה

³ ויאמר ללויים המבונים לכל ישראל הקדושים ליהוה תנו את ארון הקדש בבית אשר בנה שלמה בן דוד מלך ישראל אין לכם משא בכתף עתה עבדו את יהוה אלהיכם ואת עמו ישראל

⁴ והכינו לבית אבותיכם כמחלקותיכם בכתב דוד מלך ישראל ובמכתב שלמה בנו

⁵ ועמדו בקדש לפלגות בית האבות לאחיכם בני העם וחלקת בית אב ללויים

⁶ ושחטו הפסח והתקדשו והכינו לאחיכם לעשות כדבר יהוה ביד משה

⁷ וירם יאשיהו לבני העם צאן כבשים ובני עזים הכל לפסחים לכל הנמצא למספר שלשים אלף ובקר שלשת אלפים אלה מרכוש המלך

⁸ ושריו לנדבה לעם לכהנים וללויים הרימו חלקיהו וזכריהו ויחאל נגידי בית האלהים לכהנים נתנו לפסחים אלפים ושש מאות ובקר שלש מאות

⁹ וכונניהו ושמעיהו ונתנאל אחיו וחשביהו ויעיאל ויוזבד שרי הלויים הרימו ללויים לפסחים חמשת אלפים ובקר חמש מאות

¹⁰ ותכון העבודה ויעמדו הכהנים על עמדם והלויים על מחלקותם כמצות המלך

¹¹ וישחטו הפסח ויזרקו הכהנים מידם והלויים מפשיטים

¹² ויסירו העלה לתתם למפלגות לבית אבות לבני העם להקריב ליהוה ככתוב בספר משה וכן לבקר

¹³ ויבשלו הפסח באש כמשפט והקדשים בשלו בסירות ובדודים ובצלחות וירצו לכל בני העם

¹⁴ ואחר הכינו להם ולכהנים כי הכהנים בני אהרן בהעלות העולה והחלבים עד לילה והלויים הכינו להם ולכהנים בני אהרן

¹⁵ והמשררים בני אסף על מעמדם כמצות דוד ואסף והימן וידתון חוזה המלך והשערים לשער ושער
אין להם לסור מעל עבדתם כי אחיהם הלויים הכינו להם
¹⁶ ותכון כל עבודת יהוה ביום ההוא לעשות הפסח והעלות עלות על מזבח יהוה כמצות המלך
יאשיהו
¹⁷ ויעשו בני ישראל הנמצאים את הפסח בעת ההיא ואת חג המצות שבעת ימים
¹⁸ ולא נעשה פסח כמהו בישראל מימי שמואל הנביא וכל מלכי ישראל לא עשו כפסח אשר עשה
יאשיהו והכהנים והלויים וכל יהודה וישראל הנמצא ויושבי ירושלם
¹⁹ בשמונה עשרה שנה למלכות יאשיהו נעשה הפסח הזה
²⁰ אחרי כל זאת אשר הכין יאשיהו את הבית עלה נכו מלך מצרים להלחם בכרכמיש על פרת ויצא
לקראתו יאשיהו
²¹ וישלח אליו מלאכים לאמר מה לי ולך מלך יהודה לא עליך אתה היום כי אל בית מלחמתי ואלהים
אמר לבהלני חדל לך מאלהים אשר עמי ואל ישחיתך
²² ולא הסב יאשיהו פניו ממנו כי להלחם בו התחפש ולא שמע אל דברי נכו מפי אלהים ויבא
להלחם בבקעת מגדו
²³ וירו הירים למלך יאשיהו ויאמר המלך לעבדיו העבירוני כי החליתי מאד
²⁴ ויעבירוהו עבדיו מן המרכבה וירכיבוהו על רכב המשנה אשר לו ויוליכוהו ירושלם וימת ויקבר
בקברות אבתיו וכל יהודה וירושלם מתאבלים על יאשיהו
²⁵ ויקונן ירמיהו על יאשיהו ויאמרו כל השרים והשרות בקינותיהם על יאשיהו עד היום ויתנום לחק על
ישראל והנם כתובים על הקינות
²⁶ ויתר דברי יאשיהו וחסדיו ככתוב בתורת יהוה
²⁷ ודבריו הראשנים והאחרנים הנם כתובים על ספר מלכי ישראל ויהודה

הפרק 36

יקחו עם הארץ את יהואחז בן יאשיהו וימליכוהו תחת אביו בירושלם
² בן שלוש ועשרים שנה יואחז במלכו ושלושה חדשים מלך בירושלם
³ ויסירהו מלך מצרים בירושלם ויענש את הארץ מאה ככר כסף וככר זהב
⁴ וימלך מלך מצרים את אליקים אחיו על יהודה וירושלם ויסב את שמו יהויקים ואת יואחז אחיו לקח
נכו ויביאהו מצרימה
⁵ בן עשרים וחמש שנה יהויקים במלכו ואחת עשרה שנה מלך בירושלם ויעש הרע בעיני יהוה אלהיו
⁶ עליו עלה נבוכדנאצר מלך בבל ויאסרהו בנחשתים להליכו בבבל
⁷ ומכלי בית יהוה הביא נבוכדנאצר לבבל ויתנם בהיכלו בבבל
⁸ ויתר דברי יהויקים ותעבתיו אשר עשה והנמצא עליו הנם כתובים על ספר מלכי ישראל ויהודה
וימלך יהויכין בנו תחתיו
⁹ בן שמונה שנים יהויכין במלכו ושלושה חדשים ועשרת ימים מלך בירושלם ויעש הרע בעיני יהוה
¹⁰ ולתשובת השנה שלח המלך נבוכדנאצר ויבאהו בבבל עם כלי חמדת בית יהוה וימלך את צדקיהו
אחיו על יהודה וירושלם
¹¹ בן עשרים ואחת שנה צדקיהו במלכו ואחת עשרה שנה מלך בירושלם
¹² ויעש הרע בעיני יהוה אלהיו לא נכנע מלפני ירמיהו הנביא מפי יהוה
¹³ וגם במלך נבוכדנאצר מרד אשר השביעו באלהים ויקש את ערפו ויאמץ את לבבו משוב אל יהוה
אלהי ישראל
¹⁴ גם כל שרי הכהנים והעם הרבו למעול מעל ככל תעבות הגוים ויטמאו את בית יהוה אשר הקדיש
בירושלם
¹⁵ וישלח יהוה אלהי אבותיהם עליהם ביד מלאכיו השכם ושלוח כי חמל על עמו ועל מעונו
¹⁶ ויהיו מלעבים במלאכי האלהים ובזים דבריו ומתעתעים בנבאיו עד עלות חמת יהוה בעמו עד

לאין מרפא

¹⁷ויעל עליהם את מלך כשדיים ויהרג בחוריהם בחרב בבית מקדשם ולא חמל על בחור ובתולה זקן
וישש הכל נתן בידו

¹⁸וכל כלי בית האלהים הגדלים והקטנים ואצרות בית יהוה ואצרות המלך ושריו הכל הביא בבל
¹⁹וישרפו את בית האלהים וינתצו את חומת ירושלם וכל ארמנותיה שרפו באש וכל כלי מחמדיה
להשחית

²⁰ויגל השארית מן החרב אל בבל ויהיו לו ולבניו לעבדים עד מלך מלכות פרס

²¹למלאות דבר יהוה בפי ירמיהו עד רצתה הארץ את שבתותיה כל ימי השמה שבתה למלאות
שבעים שנה

²²ובשנת אחת לכורש מלך פרס לכלות דבר יהוה בפי ירמיהו העיר יהוה את רוח כורש מלך פרס
ויעבר קול בכל מלכותו וגם במכתב לאמה

²³כה אמר כורש מלך פרס כל ממלכות הארץ נתן לי יהוה אלהי השמים והוא פקד עלי לבנות לו בית
בירושלם אשר ביהודה מי בכם מכל עמו יהוה אלהיו עמו ויעל